



DS  
793  
S32 C523  
1865  
v.5

册 5
卷 6-7







稷山縣志卷之六

知縣皖南沈鳳翔纂修

孝義志

孝稱百行之首士君子竭力養志立揚以顯終身  
爲慕固堪嘉尚至於菽水承歡質樸無僞刻苦初  
終雖分內攸屬而精誠所至自足以貫金石格神  
人誠不可不紀也若德義之士頂天立地扶植綱  
常安可沒焉不彰是用表而出之  
蓋聞禮嚴菽水侍北堂以承歡詩咏蓼莪陟南山



而生感問修百行孰居其首日事二人貴殫厥心  
故錫類之永敦連枝著異惟孝思之不匱飛鳥呈  
祥慨往行之徒傳誰繼爾音金玉嘆懿型之莫逮  
疇爲幽谷芝蘭有一二之堪褒卽百千之可勵表  
芳規於載乘振古如茲揚徽行於簡編於今爲烈  
用布干城於作孝庶廻窪澤之頽波云爾

顧志  
孝行

唐

梁慎字寶棖天性至孝授曲州主簿親歿結廬墓側  
出告入辭不異於生時有白鳩翔集墓柏醴泉之



瑞刺史孟說奏聞勅旌其門  
九思慎弟以孝弟  
徵寄嵐州錄事叅軍操履清潔不期月教化大行

明

裴增孝事繼母慈育孤姪嘉靖間旌其門

張居元字體乾號上栢子滋子性至孝甫七歲卽代

母搯薪水或從外歸遇父睡熟跣行跪床下俟覺

乃起母姚病篤嘗糞顰禱以愈由貢生令贊皇乞

歸終養父卒哀毀骨立歲時奠享如生

胡澤字濟民事親克孝每食必請所欲父邁亟疾衣



不解帶絕食籲天求代疾尋愈澤少失恃哀毀幾  
殆父強之始啜粥弟甫周歲且多疾懷抱飲食者  
六年繼母馬性卞急怒則長跪竟日俟色解方起  
邑人胥稱孝友

裴全父以債負羈獄中時方十餘歲傭工供食代父  
受比訊者憐之釋其父

甯學倫幼孤痛哭幾至失明事母侍疾嘗糞人稱其  
孝

史三長性篤孝母病刲股和藥以進督學王三才旌



其門

史宗禹二歲失怙終身不御酒肉事母盡孝崇正間

旌其門

國朝

曹承祉事繼母承顏順志撫愛幼弟稷南稱孝友者

咸推焉

吳克恭童年失怙事母盡孝祖日太任保德大使病

篤恭侍湯藥無少懈稱順孫焉

劉宇治歲貢孝友謙恭人推忠厚與兄宇泰同爨終



身無間

梁廷吉三歲失怙家貧力學事母以孝聞母病有告以割股可療疾者吉潛引刀割肉和藥以進梁仰贈以聯曰事無人知祇將片念盟幽獨心有天鑒那得餘錢買表揚知縣姚延啟匾其門曰真孝子閻士堯貢生輸穀賑荒素推醇謹

史絢孝友和翁五世同居家人共食者五十餘口

吳伯宗幼喪父母與弟伯桃伯樂依祖以活比祖歿

遇荒伯樂爲人掠賣不知其處伯宗歷秦蜀楚豫



間徧求之不得聞在越踪跡年餘復不得又聞在  
燕復跋涉入京師遇人輒涕泣訪問聞高官都者  
知弟所在因婉轉以情告高哀之處伯宗家中而  
馳書西京名伯樂來會伯宗以見弟有期意喜甚  
頃之伯祧以書至謂以尋弟故亦被人掠賣關外  
閭莊頭家矣伯宗聞之大哭立起如關外將與之  
直高百計沮之不爲止至則見閭索其弟閭大怒  
斥之去匿伯祧不出遂訴之都閫箠之幾死卧月  
餘訴如前箠又幾死伯宗卒不懼閱三年號訴如



初至時閭知不可奪因縱伯祧去伯宗因與偕入京師而伯樂亦自西京來兄弟獲全旣相喜旋相泣也一時縉紳艷稱之

劉維烈廩生穎慧篤學尤樂施濟立文社脩橋梁義行甚著

杜士則字天一少有至性事父母以孝聞嘗冬月溫被如古人事雖細微必請而後行無敢專者治生稍有餘卽以奉二人不自私也比奉諱遇有事猶跪告主前如生時年幾七十鬚髮皤皤言及父母



輒孺子泣不止至今邑人稱孝者歸焉

吳良知同弟穎知兄友弟恭至老彌篤

張經字爾文歲貢天性孝友見閭里貧乏者代輸國賦不責其償

史宗周事孀母孝事長兄恭撫姪如子有負債千金者焚券不責償

任三策庠生持已潔清樂於施濟室中懸磬而遇有急困者極力周濟若不知其貧也

閻懷珍字月生幼嗜學取朱子小學日夜潛玩嘗期



見諸行事亦日舉以教人進退坐立皆有法度兄  
多疾子亡孫幼復無主中饋者珍朝夕其側十餘  
年如一日中年喪偶終其身不娶同學某官都下  
延入幕中歲舉束修若干比某歿賣田贖之如其  
數雖瓶無儲粟泊如也年八十三歲卒貧賁千金  
任之奇家貧盡孝母卒廬墓終身不衣彩服

閻三省節婦秦氏子事孀母承顏順志有時怒叱輒  
笑而受之更能善體母心家雖貧凡母有施濟必

竭力爲之



元大德間增修明洪武間併廣教彌陀大善三寺  
入焉置僧會司 國朝順治間知縣姚延啟修十  
三年知縣畢際有重修閣後有晴碧軒知縣劉三  
錫書道光三十年層樓崩塌佛像露立至咸豐七  
年寺僧覺社募金重建今遂爲一邑巨觀云

青龍寺在縣西十里馬村唐龍朔二年建

佛峪寺在縣西北三十里有宋碑

大明寺在縣西北華峪村唐上元元年建明洪武初  
併顯明崇慶祥瑞普照四寺入焉



嵐川寺在縣東北三十里馬壁峪寺後有泉

興化寺二一在縣西南三十里小甯村隋開皇十二年建一在縣南五十里丈八村唐咸亨五年建

黃龍寺在縣西北四十里紫金山峪王時濟記

崇化寺在白池村唐開元四年僧國興建金大定十五年僧智月等重修

壽聖寺二一在塢堆村唐永昌間建明宏治萬厯繼修一在胡家莊宋治平間趙寺丞以守墳建

大善寺在高渠村元勅建內古柏一大七圍蔭可畝



張縉鳴鵬子幼嗜詩書天性純孝父病奉侍湯藥四十晝夜未嘗席寢形體尪羸死而復生者三次父亡哀毀骨立且友于兄弟撫愛諸姪如其子云

鄭毓彩庠生幼失怙恃事祖父繼祖母曲盡孝道

張永清家貧母老且瞽奉養周至戚里稱之

段五瑞庠生父亡事繼母奉養無缺母病經年親侍湯藥無一刻離左右鄉族稱之

任元統服事八旬祖母罔有疎節編教孝歌以警其妻孥



張全德事繼母如生母待異母兄如親兄遇寇警負  
母遠避家資一無所恤

梁維翰庠生秉性仁孝繼母性嚴承顏順志有時怒  
批其面翰同婦加氏跪告曰願母批不願母怒鄉  
人服其孝將公舉固謝曰顯孝子而貽母以不慈  
罪莫大焉數年母亦化而爲慈

曹裕煊善事父母色養無違有從叔孤且貧其父鍾  
愛之煊曲承父志生養死葬一如已父

王之翰增生崇正十三年歲大歉出粟八百餘石



活人

董可岑多才畧有義氣順治六年土寇屯聚邑令姚  
延啟推岑爲練總率鄉兵勦賊邑人賴以安堵

任向禹性慷慨樂施遇貧不能婚者出金完之不責  
其償

任騰漢輕財好義有亡金者欲投井卽出已金如數  
給之

段居仁性篤友于其異母弟段居正於崇正末爲土  
寇擄去不憚千里跋涉艱辛至秦省兵營遇見涕



泣跪求宥心感動釋放歸里娶媳成家

段起龍性樂施濟康熙壬申歲荒捐粟三百石賑濟  
遠近全活甚衆

段生芬好義樂施康熙壬申歲大祲出粟二百餘石  
賑濟人賴全活

段蘭芳事父最孝父患癱病卧床十餘年芳侍奉湯  
藥親滌溺器手捧飲食數十年無惰容

張三綱與義民賈日升孫希凱俱以拾金不昧著稱

王世勤歲饑輸粟賑貧里民沾惠



賈玉勝以輸粟賑饑稱于鄉

王珏監生揀行孝友父患痿病偕妻鄭氏左右奉養  
繼母性嚴事之甚謹先繼母卒繼母每一言及輒  
爲流涕

焦汧副貢孝事繼母撫孤姪成立鄉人旌其門

楊挺生廩生慷慨樂施康熙壬申荒歉蠲粟千石計

口給食全活甚多創立蘭社延請名師本縣及鄰

邑附學者踵相接束脩膏火諸費獨力供辦從無

倦色



段克肖歲貢平定州訓導歲祿捐三百金賑饑里人德之

馬逢臯庠生歲荒出三百金賑濟全活甚衆  
甯起碧生未匝歲父卒稍長以不識父面爲恨日往墓左號泣年近八旬與人語及猶潛然淚下事孀母曲意順從遇歲荒傾囊賑貧人尤重之

郝蘭山東陽谷驛丞孝事父母友于兄弟居官勤慎馭下慈和鄉評稱之

楊脩德歲饑出粟四百餘石賑濟



張所蘊恩貢生事繼母極盡色養卵翼兩弟教誨成立

王震葵庠生父沒遺幼第三人葵獨任勤勞供諸弟讀書後震福登賢書震亨成進士震吉補博士弟子員

馬希旦廩生孝事父母和睦鄉里引誘後學多所成就既卒門人私謚爲文惠先生

張其宣庠生賦性孝友其母解氏善事舅姑曲盡婦道人咸謂子之孝皆母所啟云



黃文中監生名榜之堂祖也榜父病篤以寡妻弱子托之及卒代爲經營家計數十年如一日自甘窮約畧不染指

張葵監生康熙戊寅歲焚燬負債券約二千餘金鄉人以積善家三字匾其門

許國正慷慨仗義每當嚴寒製棉衣以捨極貧臘月八日賑粥一天歲以爲常

楊大成吏員性孝友遭父母喪終三年不入私室不飲酒茹葷代兄償負債爲弟營田產從無吝色



孫廷璧舉人性孝友待人誠篤人亦不忍欺病革時  
猶諄諄以老母爲念妻郝氏亦以孝稱

董其恕並妻賈氏性最孝父得癱病恕夫婦移濕就  
乾飲食擇其嗜口者知縣旌其門

朱正色性孝母病禱於太和金宮求以身代及沒守

墓三年

段克猷監生捐貲千金脩理廟學知縣旌其門

黃廷吉性至孝親老家貧供饌不缺親歿復典身以  
葬之附身附棺竭力經營不以貧儉其親



孫輯廷歲饑出粟百餘石賑濟

孫愉事父母孝乾隆戊辰巳卯歉收施麥種以恤窮

民

曹夢疇事父母承顏順志遇族里貧不能婚葬者量

爲周卹從不責償

蘇溪並妻楊氏近族有孤貧夫婦身染癰病無人肯

嗣溪願繼孫奉侍二老朝夕不離如是八年從無

惰色

曹日芙性孝友家貧以菜根充饑夜爇香照讀鄉人



有不類者諭以孝弟仁讓之旨人多悅服

段交泰幼失恃事繼母極孝以耕耘供養殮雖家計蕭條而甘旨不缺

張檢孝事繼母友愛異母弟宗族鄉黨咸稱之

趙時出庠生孝事繼母不苟言笑有儒者風

楊帛父母俱故遺異母弟尚幼矜恤畢至每出外必

屬其妻善視之提携教誨數十年無懈志

王御乾謹身節用以奉父母生得歡心葬祭盡禮

史翼教崇明公史宏坦之第五子也崇明公以剛方



構禍教與俱幽與俱讞艱險痛楚備嘗稍有餘地  
卽手不釋卷發憤自強以承父志於乾隆甲子中  
鄉試九名舉邑咸謂崇明公有子不愧孝廉云

景世賡雍正年間歲荒歉出粟百餘石賑救兩次施  
麥種五十石以濟窮乏毫不計償鄉人德之

王振世監生賦性孝友幼貧困貿易豫省慮不能奉  
侍二人遂迎親就養左右承歡喪葬盡禮遇第至  
厚子若孫皆成名森立且慷慨樂施初不知從艱

難中來者



吳道豁歲荒遵母韓氏命賑濟事載路碑

黃天工庠生買田開路鄉人便之旌其門

梁公瑾增生歲荒出粟百餘石賑濟

王積進士王震亨孫生員王敦厚子也一歲亡父七

歲亡祖戴庶祖母陸氏全節保孤之德及陸氏病

呼天求代歿破制服齊衰三年母薛氏年老得癰

病寢不離衾枕日曲膝床上助輾轉供飲食不令

家人旁代五年如一日卒年六十有九

葛林玳性孝友嗜學事親承顏順志遇兄備極敬愛



鄉族乏力延師窮年訓誨不計修脯被其教澤者  
皆醇謹誠慤之士生平篤信濂洛關閩薛文清公  
辛李諸理學書年七十餘手不釋卷雖未成名遐  
邇正士皆樂與交以資其麗澤焉

樊如馨賦性孝友存心仁厚辛丑歲荒出粟周恤全  
活者甚夥

裴景拔字德越號臨溪乾隆壬申舉人裴氏代有偉  
人而公尤賦性剛直學問純粹常以孝弟忠信爲  
己任事親先意承志母沒居喪三年不入寢室宗



族稱之榆次令周世紫者房師也虧公獲罪公破產得數百金赴其急比至已無及公哭之痛以所携金爲殯資其孝義如此

杜杉字達天候選布經歷性醇謹慷慨樂施事親孝外祖父流寓河南存亡不知其所體母志遍歷中州至通許得骸骨負歸人器之族人負債鬱鬱成疾代還二百餘金不責其償鄉人以爲義乾隆壬子癸丑歲荒指囷遍賑活者甚衆嘉慶甲子乙丑復大旱捐粟賑饑且加厚焉婚姻死葬悉周恤之



每逢窮冬終歲恒施衣食所居崔村去縣十五里  
貧民多往歸焉以此鄉人立石揚其德子五人作  
柄作模作極作樞作櫟

段選字廷舉武城人也慷慨敦信義伯父遺三子俱  
故撫養其孫數十載村北阻澗水乃建橋通行路  
嘉慶丙寅歲饑出三百餘金濟貧

在和鼎字調五好善人也有老父憂無棺贈以材賣  
之又贈以樹一老婦賣其地已成交有悔心還其  
契無難色秋禾熟有盜谷者見之稔其人屏息不



重次早命孫爾福遺之谷終未對人言皆人所難也

閩儒林小杜村人幼失怙依母秦氏織席爲業痛未及事其父事母孝母病一切瑣碎之事俱親任之出則推車以載遇風寒則脫衣覆母故歌唱以慰母心有養志之風

吳九思小杜村人少喪母言及輒泣下事繼母孝父失明左右就養家雖貧不缺於供有不快寬解以慰其心鄉黨稱之



薛有明廉城人父亡事母孝家貧爲人傭得美食必供其母母病侍湯藥不少懈母沒茹素三年孀母賀不能度日迎歸事之如母

趙全一衛千總趙桂父事親孝處昆弟友父沒設義學周困窮無改於父之道

王世傑塢堆龍王廟坡人性耿直邵陽狄淵遺金入百兩傑拾之訪還原主不受酬淵感德題以義重

邱山云

賈克紹字子續貢生李村人事繼母解氏無間言九



年歲荒出金周饑

衛定字方中監生教諭如瑛父也性端正敦孝友事  
孀嫂始終以禮待猶子無異所生子如瑛副貢如  
瓚恩舉如璿歲貢人以爲厚德之報

馬學良農家子少孤貧貿易西秦忽念朝夕離母卽  
棄歸及母歿廬墓三年不入寢室每出必稟命墓  
左不異生時乙丑歲饑破產得八十餘金以濟窮  
困汾水夏漲有溺死者人皆畏避良獨買棺收葬  
其孝義皆人所難能者



馬遇春衢州府經歷廉潔自持士民悅服歸之日攀轅哭送者千人居鄉建家塾延師訓讀有貧不能具脩脯者悉附學子監生秉乾理問體乾乙丑歲荒出四百餘金以濟窮困慷慨樂施有乃父風

段祖禹介賓建設義學施田三十畝爲延師膏火之費俾鄉之耆老司其事其成就人才如此

衛希顏候選州同善事父母祭葬如禮尤喜施予重然諾遇歲歉必賑之不責償於孔道建設茶房以利行人捐修浮渡馬道人無凜泥憂慷慨之概蓋



天性云

張忱字允誠鄉飲大賓性謹厚好施予親族有貧不能營葬者輒力任之創建帶汾書院置學田三十畝以爲延師之資次子九五出米賑饑咸謂克承父志云

楊發暢善事繼母教弟發秀發科俱入膠庠尤喜施予施地建廟煮粥濟窮種種善事里黨稱之

段執中監生歲饑與監生段登魁出粟百石以濟窮困將斃者賴以復蘇後將食粟冊籍銷毀毫無德



色

原天錫得會谷三十石年饑鄉鄰借用後遵母命集諸負者盡焚其券

裴可興吏員兄弟分爨後昆仲家道旁落可興奉養無缺殯葬以禮諸猶子皆其撫養婚娶後更給產業俾之成立

段元升增生生員文華次子也繼胞叔嗣本生父田產一無所問至養生送終不以出繼吝其力遇諸昆季急以百金周之三子九孫多遊泮人以爲厚



德之報云

傅應蘭候推都司嘉慶十年出粟四十石以賑窮困  
張永源州同乾隆二十四年出粟二百石以濟荒子  
貢生煇然嘉慶十年出粟百石以賑饑

郭毓珍家貧幼失恃怙事繼祖母無缺于供殆祖母  
病侍奉湯藥從無倦容鄉人稱之

段噓雲增生性孝友動止有則居親喪不飲酒三年  
不入私室處昆季無忤言讀書潛心伊洛不事交  
辭著有禮纂十九篇集易解諸稿



程萬年監生少孤事兄友愛姪病危念兄止一子虔  
禱於天願減子壽以益姪年族人建家祠苦無力  
輒身任之貧者時爲周恤其長厚如此

賈克邁監生善事繼母親嘗湯藥衣不解帶者月餘  
撫孤姪無異所生周恤貧窮種種善事爲人所稱  
王薦於八畛道募建茶房施已田爲永久計行人利  
之

范大成從九宏子監生幼家貧事繼母備極孝養教養  
者昆季卑皆戎名尤精于平決休究多奇中遨遊



縉紳間咸爲禮接

李金鎬增生青父有堂叔玉璫家貧無子瞻養弗缺  
璫臨終語人曰吾得不早填溝壑者鎬之力也比  
歿含歛殯葬鎬毫無難色

薛泗監生善事父母母没事繼母尤無間言乾隆甲  
辰歲饑出粟以濟窮乏前令關以好善旌之

王廷楠字潛德貢生蔚文孫家貧好學兄客死西蜀  
楠徒步千里負骸骨以歸

張樞幼孤母病侍湯藥不懈好施予凶歲出粟食饑



者兄弟和睦友愛爲鄉人所矜式焉

原柄從九善事父母乾隆四十三年旱出粟三十石賑饑隣里賴之

韓相文生員繼母患癰醫技窮文口吮之遂愈設教鄉閭不計脩脯補弟子員者不一其人

郭爲珍少孤事孀母以孝母病衣不解帶者三年兼精岐黃術有延者雖風雨必往人推重之

李治先監生事親無違忤有隣婦夫死欲再醮以償先責先急止之毀券以成其貞



甯欽耆賓善事父母周恤窮苦鄉人義之

李時春監生事繼母曲意順從歲荒出粟賑濟

孫思祓善事繼母恤鄰濟困人皆稱之

張涓字天一號睡菴學優才峻尤精於易康熙己卯

科舉人曾孫五長維城生員次維堵監生三維採

監生議叙布政司理問四維靖由從九得直隸州

州同五維堦監生家初貧甚賴維城兄弟輩躬行

節儉又俾靖貿易遠方家遂漸裕皆好施道光二

十六年歲饑出粟以濟餓者全活甚衆



管昂發字伯激安貧嗜學孝友樸誠忠厚待人不吝  
施與嘗拾遺金訪主者還之不告姓名而去閭君  
含以理學操於時發師事之居平誨人持已皆務  
實學不事虛名故遊其門者類皆謹慤之士後子  
解愠孫城登歲貢人以爲積善之報

韓夢麟<sup>麟</sup>年七十歲應明經科成恩進士時有母年九  
十矣依依膝下色養盡孝教諭司百川深爲健美  
贈古歌以頌美之

貤封武畧騎尉監生賀孔融性開爽好施祖父與父



素以富冠鄉里操券借貸者日踵其門及融主家政度其不能償悉召負者至焚其券嘉慶甲子乙丑歲饑出米數十石以活饑者邑侯李公嘗旌其間生四子俱顯達長平川武孝廉次成川武生三均川軍功議叙四清川庠生人以爲厚德之報

增生段樹棠讀書太平時鄰舍有孀婦以家貧姑老無以自活姑欲醮之非婦之志也因痛哭棠問之給數十金以助其菽水之費婦得以全其節本村段某與永利莊王某因欠債欲爭訟棠居間排解



各贈以金而息其訟設教本莊數十年不受束脯  
學者甚衆村人皆以善人目之

高燕天字德裕庠生性端正廉隅自持設帳誨人不  
計脩脰遠近從學者甚衆嘉慶甲子歲饑家人不  
能餬口交謫於室曰君設教多年何往不可以謀  
升斗天曰死生命也乞貸何爲弟子有願餽以粟  
者憚其嚴弗敢徑與先使人達其意天曰吾豈受  
人憐者耶卒弗受人服其介節云

監生王心普字濟之號慧菴孝友謹慤以家貧故幼



習商賈業常隨父賈客涇陽及長家道漸充凡戚黨鄰里有借貸者無不欣助以未得讀書爲憾嘗手孝經一帙終日披吟又延名師課其子姪易簣時猶手寫讀書二字以詔後裔太邑進士張先生鳳翔輓之曰遺愛在人後其子姪與孫文化文在皆奮志誦讀以承先志人皆謂厚德所致

監生閻森薊州知州景仁四世孫也性端方好義鄰里親族多所周給嘉慶乙丑歲荒家貧者無以爲活相聚乞食充塞道路公出錢拾萬散之不望其



償後其子煥章遊庠爲附生孫廷獻登副車國獻  
成名曾孫茂魁亦入泮人以爲厚德所致云

生員楊鴻傑字漢三生而聰慧立品端方濟困扶危

敬老慈幼

馬春發字萃亭嘉慶九年大饑米價昂貴發出囊金  
購粟賑濟貧困者賴以全活邑宰廉公旌其閭曰  
慷慨樂施

增生楊安上字伯榮品學兼優設教鄉閭多所成就

門人匾其門曰絳帳長春



聞自義字宜之性剛直事親以誠不尚文飾交友有  
信喜排難解紛鄉人欽其公直顏其廬曰直道羣  
欽嘉慶己卯年舉鄉飲耆賓製匾表揚

監生王灼幼失怙惟母兄是依成人後兄又卽世灼  
孝事孀母慈撫孤姪終其身不析箸丙午歲禮出  
粟賑饑全活者甚衆又捨地開路建考院修稷廟  
督工畧無驕色邑大夫重其誼延爲介賓年八十  
卒迄今子姪蕃衍人謂積善所致

議叙八品鄭炳文字丕變好施與遇歲歉必散粟生



子二長朝桓次朝柱皆善承先志其子姪率其化  
俱以發廩賑饑爲務歷久不懈今其孫克類克昌  
皆英年入泮人以爲積德之報云

歲貢生張大年字椿倩號純邨性至孝居父喪哀毀  
倍至日啜粥糜少許不御酒肉如是者三年不改  
有弟喪妻貧而乏嗣大年出貲爲之繼娶人皆稱  
孝友

增生季煒設教鄉間受培植者甚衆每行事不徇流  
俗人有非務掩覆之嗜讀年已邁猶諷誦不輟



蘭建古字田公一言一動皆效法古人事繼母備盡  
孝養有姪少孤古撫之恩義兼盡以方書療疾全  
活者衆里人有忿爭者古必排之嘉慶丁卯年舉  
鄉飲耆賓里中長老贈以匾題曰直道羣欽前邑  
侯王君高其品旌之曰潛德流輝

歲貢生管城字穎士事親以孝稱生死葬祭皆中禮  
待弟克盡友愛弟歿恤其嫠及其子終身同爨無

間言晚年精醫學活人甚衆莊人匾其廬曰

晚希  
文正

誥授武畧騎尉趙寶山性忠厚鄉里有貧

不能葬者皆力助  
之人咸欽念之



焦國棟字爾堪天性孝友事繼母如生母族叔夫婦  
年老無子棟奉養之不衰胞叔乏嗣出金爲置造  
室後生三子莊人匾曰直道羣欽

介賓陳汝光道光二十六年出粟五十石以濟貧乏  
七旬時鄉人樹碑以旌其德

貢生衛和國以孝聞繼母王氏長公四歲公服勞奉  
養能得其歡心王七十二歲偶得風疾輾轉床蓆  
間公侍左右不稍離凡飲食湯藥下至裙屨諸瑣

事皆躬親焉如是者三年母易簀時泣語人曰此



吾家真孝子也鄉黨咸嗟異之

趙致梅賈於晉道光十七年自晉旋里行至徐溝路  
遇河津縣賈客原姓者雙耀其名也遂聯鑣同進  
共止宿焉越兩日原遘疾凡飲食湯藥梅皆忠心  
調護不辭勞瘁原曰感君高誼願以骸骨付託設  
有不諱某有猶子居某鄉願歸旅櫬得首卹焉死  
且不朽梅許諾行至平陽而卒梅經理其喪挈其  
囊橐至其鄉訪其猶子悉付與之酬以金不受子  
身而返其家人感公德因匾其門曰風追羊左



監生張兆吉性孝友嗜學設帳訓蒙二十餘年不計脩脯且好善樂施閭里貧乏者皆蒙其惠鄉人感德勒石以誌之邑侯賀君旌其行事立碑於路

生員甯玉成道光二十六年散粟救饑同治元年歲歉子鍾秀又發廩賑饑人皆稱之

州同王崇樸幼失怙恃惟長兄嫂是依旣長每念鞠育之恩未及報輒潛焉泣下隨兄客涇陽歸時必哭奠墓側哀動遠近事兄嫂如兩親飲食寢興必在側不有私蓄錙銖必以聞處兄弟猶子悉以誠



藝術志

道形而上器形而下術藝何庸志乎然葑菲不遺  
于詩人承蜩見錄于莊叟曲技呈能益見太虛之  
無所不有也

元

梁周泰字白亨精於岐黃術元至正間授平陽路醫  
學教授子權孫叔東皆能世其業邑人稱其有活  
人功子孫世躋科目爲邑望族

明



陳璉字宗器山水諸繪事胥極精妙一時士大夫皆稱之成化中由布政司都吏除金吾右衛指揮使經歷陞趙州判官子嶂孫桂能世其業

梁縕

善榜書



愛凡婚嫁商賈之需有不給者傾篋助之無吝色  
舖夥孫秀燭物故遺子繩祖貧不能治喪樸立付  
金俾得殯塋令繩祖就傳讀書歲供其脩脯之費  
後繩祖以明經起家嘗頌其德不置云

監生王懷德與弟生員懷彥友愛性成自少而壯而  
老食同几寢同牀無稍離間縣宰馬君永圖旌其  
間曰甄拔俊乂蒲郡董帖講理學不輕譽人特區  
其室曰兄友弟恭門人惑之帖曰余久居於此見  
其兄弟之好無纖毫假飾故不欲沒其善厥後孫



省三舉孝廉登仕籍

歲貢生賀麟經動止有則訓子弟以孝弟爲首務孫承先能繩祖武經病親侍湯藥寢不解衣者年餘鄉人舉爲耆賓

賀孔賢監生好善樂施嘉慶九年十年歲饑捐粟十石又設義學以課童蒙子錦川例貢生善承父志道光二十六年歲歉賑粟數十石村北溜溝坡路崎嶇不便行旌川傾囊修闢至今往來者皆念其

德云



楊茂宣字正德天性誠樸務農而喜人讀書爲姪鳳  
沼延師於塢東早起送之入塾暮又往待其功課  
畢挈以同歸早夜孳孳寒暑無間

劉永瑞字守圭廩生玉書之父也性孝友嗜讀書事  
孀嫂始終無間言待姪如子叔父析箸已久嘉慶  
十年歲歉貧不能活瑞分粟養之族兄家貧不能  
完室出金數十兩以成其婚又延名師課子時家  
道中落躬自儉嗇以供脩脯後子遊泮食餼鄉里  
皆謂積善所致



監生李佩蘭字琬九性孝友處昆弟無間言父病寢畏寒蘭伴宿以身偎之如是者十餘年生平無疾聲厲色亦無阿徇道光丙午歲荒公出粟計口以授村人欲立券待償蘭曰通有無恤患難義也何以券爲

劉紹禹賦性純謹好善樂施乾隆年間出粟賑饑男建邦孫聯科遇歲歉亦出粟賑饑活人甚多

生員楊渤性質樸寡言笑待昆季無間言精於醫術邑侯王創建考院公督工出納間纖悉不苟八十



五歲卒

從九高集泰字魯青性孝友服賈於外父歿兄弟議分貲產泰雅不欲兄弟力爭已無一取携妻子購斗室而居後貿易得金必分給之卽姪有貧乏者泰仍瞻顧今子遵古猶恪守父訓不敢失墜

劉金山家貧最惜字紙嘗繫一布囊來往市上向瓦礫中搜剔遇片紙隻字必收貯囊中歸家焚之投灰於河鄉里美之

姚周南少貧貿易致富慷慨樂施嘗客鳳翔有地名



油坡甚陡峻販油者日涉其地皆憚其險南出資修之遂成坦途嘉慶十年晉省連年荒歉南心惄然因家無餘粟散錢五百餘千村人全活者無算村東門外有碑以紀其惠

附貢馬大椿事繼母以孝謹稱閨門以內皆肅後署臨晉教諭其待諸生也嚴課誦絕苞苴邑人皆景仰之至其慕義周急尤不勝指屈

楊大柄字國均純篤正直學問深沈教子孫悉皆成立設帳課徒從游者甚衆嗜講聖賢經傳雖婦人



孺子必口授指畫故閭閻內皆彬彬然卒時八十歲

劉世英業賈勇於赴義凡修橋梁平道路濬溝洫皆獨任其勞邑侯黃公聞其行旌其間又勒石道左英視之漠然人咸異之及黃罷官歸里英不遠千里候起居且獻額以誌其德焉

李芳蘭字步十性慇直好義樂施村人有死者貧不能葬蘭解囊助之精歧黃術遇病者無論親疏輒往救之酬以金不受又修隙地以便行旅人皆念



其德焉

廩生楊含章字坤三性聰敏好學問詩尤擅長凡學使者按臨輒以詩冠其曹偶惜稿散佚不多見人皆惜之

賀步霄性忠厚遇人忿爭必居中和解訓其子縉隆曰知足常樂能忍自安汝其勉之鄉人咸欽其公直云

監生景大儒道光二十六年歲饑出粟十八石賑濟貧乏又村北舊有橋傾圯捐貲修理以通往來及



沒鄉鄰咸感念之

張蘭字馨亭號香圃例贈修職郎早喪父事孀母以孝聞有弟莪方在襁褓出入必提携不令有呱呱之聲致傷母心及長延師教讀未嘗以貧故輟薪火弟亦謹事如嚴父兄友弟恭終身無一間言門內藹藹然有吹堦吹簫之風焉

議叙九品高集衡字峰玉家貧後以居積致富然積而能散儉而知禮值歲兵荒助軍餉者二千餘金濟貧窮者二百餘石莊西故爲川陝孔道道湫溢



每雨甚則往來車馬常陷於淖衡憫之命子耀先  
爲買田開道東西二畛約三百九十餘步遂成康  
衢鄉人匾其門曰齒德並尊

監生段正檀幼失怙孝事母兄家本中人產而慷爽  
好施有姊適某姓貧而早寡檀勸其守節歲給錢  
米又撫恤其子女俾有室家鄉人皆稱之

鄉飲耆賓趙萬祥字太和明敏好學設教村里不計  
束脩有爭訟者必傾身排解鄉人欽其公直

從九史森事繼母以孝性好施與嘗毀家助軍餉歲



荒散粟以救困乏他如捨藥材蓄刀圭藥有貧病者輒付之不受值又設義學以育人材此其大端諸瑣行難更僕數也年屆七旬村人樹碑以頌其德焉

趙萬清字色新幼嗜讀因主持家政未能卒業遇文士傾身交之終日問難晚年學問大進里中習儒者必以清爲楷模焉

監生段景芳聰敏嗜讀爲境遇所迫托業商賈而持身處世有文士風遇歲荒周濟窮乏鄉人咸稱其



慷慨樂施云

附貢生李亢宗少好讀書早歲入泮因主家政不能  
習舉業遂援例貢成均處家上下無間言鄰里有  
求必應嘉慶乙丑道光戊戌丙午歲饑公前後出  
白鏹三百餘兩以濟餓者全活甚多後子食餽姪  
亦採芹諸孫皆嶄然見頭角壽八十餘歲蓋其厚  
德所感召也鄉人樹碑以頌之

監生楊鴻儒祖與父世有積累鴻儒能迪先德而光  
大之賦質溫厚平和讀書聰敏以數奇不遇遂習



醫書施藥濟衆道光丙午歲饑出粟賑荒里人多  
霑惠焉

監生高繼先字善初授西甯府經歷單騎就道行李  
蕭然居官以廉介聞大憲嘉其廉委署巴燕戎格  
通判時番夷不靖嘗擄劫行旅先至捕其渠魁置  
於法境內肅清又罷水烟羊羔等稅人稱便焉後  
署大通縣知縣公務旁午事必躬親俱措注有法  
竟因勞致疾尋以憂去官卒於長安

監生楊宗道事孀母孝待人醇厚遇歲荒命長子明



散粟賑濟又給饑者錢無吝色

監生黃居洛道光二十六年歲歉散粟二十八石

鄉飲耆賓趙居廉天性至孝事孀母皆曲盡其道宗

族鄉黨爲立孝行碑邑侯韋君旌其門曰孝可維

風

監生趙魁彥持己以樸待人以謙設教材中不受脩

脯弟子彬彬日盛道光丁未歲歉出粟賑濟貧乏

者賴以全活歿之日里人及從游者皆出涕輓之

曰高山仰止



原士魁忠厚好義歲荒命子大成散粟濟衆

庠生趙德文嚴氣正性鄉里尊敬之授徒鄉里中不計脩脯弟子成立者衆

王玉瑞年七十一歲好善不倦歲時祀神必豐潔道光三年割麥田間日暮不返其子踪跡殆遍直至九泉山石巖上始得之則已死矣時方酷暑而顏色如生人僉疑其尸解云

監生午映漢道光二十六年散粟十三石

監生楊濬慷慨好施善承父志歲荒散錢賑饑又修



橋補路所樂爲焉

庠生趙名世賦性孝友好施與遇人之美必委曲以成之

議叙千總午復始道光二十六年散粟二十三石

誥封武義都尉杜杰字秀峰端方正直遇爭鬪必解釋或堅執不屈多方勸諭不令構訟嘉慶九年歲荒杰出粟賑濟全活甚衆又秦家莊爲南北通衢杰開鑿道路以利行人又恐其久而圯也爰施地

五畝使秦家莊及本村鄉約分食其利俾歲歲修



築賴以不壞兩村之人咸貞珉以誌其惠焉

生員孫永業性聰敏在本村創建義學設帳授徒不受脩脯遊其門者多成名訓二子亦克繼父業鄉人咸仰之

武生李甯世字斯靖家素殷實嘉慶九年歲歉屢施米麥以活鄉人子監生士傑亦於咸豐年間施麥十餘石鄉人感之

歲貢王兆烈字丕承號古心幼孤旣長就傅讀書刻苦自勵事母以孝事兄以悌歲荒出粟賑濟鄉人



有不能完室者竭貲周之設帳授徒多所成就於  
文藝外潛心濂洛關閩諸書及歷代史鑑所著有  
古心錄通鑑綱目評語藏於家晚年表揚節烈力  
行善事爲一方儀表子蘭階增廣生亦能繼其業  
監生甯鍾爵性樸實出貲修道歲歉賑饑人咸稱之  
增生程鸞字和鳴道光二十六年出粟十石九斗七  
升賑濟鄉鄰

貢生段樂天好善樂施於本莊聖母廟創建獻亭又  
立宗祠皆獨任其事不惜財物鄰里有貧乏者婚



姻死葬無不周濟鄉族多感德焉

鄉飲耆賓甯欲道好善樂施爲一村之望嘉慶甲子  
歲大雨村中池水漲溢壞官道行役者苦之欲道  
出貲修築又散粟十餘石以賑饑者孫復詩道光  
十五年歲荒亦散粟十六石

監生姚恭道光十五年出粟二十五石賑濟子監生  
王清道光二十六年出粟二十石

庠生段紅霞增生噓雲姪孫也賦性孝友父母病日  
侍湯藥夜不安寢居親喪三年未嘗見齒有從弟



同居器用財賄皆均之不判蹊畛人以其家  
教焉

布政司經歷楊河道光丙午歲荒出粟賑濟全活無  
算同治癸亥歲歉指囷周恤無德色

監生薛瑋字玉亭賦性寬厚敬老惜貧道光二十六  
年歲荒出粟賑饑鄉人頌之

翟恢盛議叙雲會之父也性誠樸寡嗜慾輕財重義  
好善樂施道光二十六年歲荒親族有貧乏者糴  
粟周濟絕無德色卒年八十三歲



布政司經歷楊川道光丙午歲歉出穀賑饑同治癸亥歲荒又出粟賑貧莊人咸戴德焉

奉祀生員程大魁之祖精於外科遇病者奔走救之未嘗受錙銖之餽及易簀時恐後人借以謀利遂盡焚其方公立志繩武濟人持已綽有祖風遇歲荒輒出粟以贍饑者人號樂易先生

恩貢生邢玉瑞字輯五號遯齋篤於學經史百子無不博覽家故四壁立而艱樂此不疲銜觴賦詩以終其身村人咸高其品



張步雲勤於學問經史百子多講明切究家素以友  
恭稱五世及雲未嘗析爨事親孝久而不衰妻故  
不再娶遇橫逆輒情恕而理遣之不校設帳里中  
不受脩脯以故列門墻者日盛云

原芝綱獨出貲財修理陂岸水不浸溢行者利之鄉  
人頌其惠焉

張農詩字吹幽性樸誠居心長厚事親克孝接宗族  
以和鄰里有詬誶者必婉言排解鄉人咸頌其德

焉



鄉飲耆賓邢秉琮孝事繼母厚待鄉人村人咸重其  
品邑侯王君旌其門曰作賓王家

鄉飲耆賓監生邢景周設帳數載不受脩脯之資教  
誨所及徧於鄉閭廣文胡君旌其門曰清時祥鳳  
恩賜九品邢合湯設帳授徒不受脩脯發粟濟貧無  
吝色鄉人戴德勒石以表之

邢秉讓存心溫厚行事端方出粟賑濟不吝施予鄉  
人樹石頌德邑侯王君旌之曰粟周里黨

鄉飲耆賓朱彝瑄設帳鄉塾不受脩脯鄰里有困乏



者散粟給之無吝色邑侯王公採鄉評以旌其德焉

葛爲衣業剗剗性好善遇孝子悌弟悉記其事而詳述之絳州李闇章以理學名葛踵門質之李甚喜爲之文其俚言裒成一帙因其好善取善且欲勸人以善題曰三善集及卒范婁山作墓表以贊美之

闇毓貴字天爵習梓人業性仁厚善讓初與弟析居後弟歿遺子四人家中落幾不能餬口毓貴夫婦



憐之復與同爨之如已出及長皆爲之授室焉縣令蔡公懸額旌之曰友愛羣稱

從九管耐思字德容中年喪偶不再娶嘗貿易甯夏有同遊者失其貲斧不能歸管傾囊助之不責其償居郭外別墅博覽古籍修族譜造家廟以奉木主俾昭穆不紊閭里頌之

馬有力事母胡氏以孝聞母病親侍湯藥衣不解帶者三年母歿後寢苦柩前服闋乃止

張治字子平生而耿介與堂兄弟同爨極盡友于之



雅精外方脈常自備藥籠以活人不論貧富求者  
卽應鄰里稱爲正直壽八十一而終

張茂恂字悠忱稟性質樸不慕時趨勤儉持生器度  
宏敞遇橫逆之來必先自反不與校常自懣讀書  
無所成就嚴課二子口講指畫晝夜孳孳後次子  
久安由拔貢生登己酉科賢書人咸爲積德所致  
壽八十而終

楊啟祥監生國清之父也務農澹泊寡營不孳孳末  
利言笑不苟天性和平鄉人咸欽其正直



庠生例贈武畧佐騎尉趙士元事父母以孝待鄉里  
以和

監生史思祿性孝友慷慨好施自軍興以來凡都邑  
殷實家皆勸出貲以供軍餉祿輸將恐後前邑以  
考院地隘欲拓其基輒捐井地以成之歲荒指囷  
濟人全活無算

州同甯光先道光二十六年並同治元年歲荒散粟  
賑饑以承父志

庠生衛千總趙士英賦性孝友輕財重義授徒不計



脩脯多所成名道光二十七年歲荒散粟賑濟鄉里感其德爲立懿行碑

縣丞原春芳輕財好施歲荒散粟三次

劉岐山家貧事親孝老而不改母病親侍湯藥衣不解帶者數月母歿每飯潛焉泣下村人有爭訟者必排解之人敬服焉

段得玉字溫菴號如璽生平儉約自奉忠厚待人有族嫂孀居家貧如洗玉給田十餘畝以餬其口嫂

沒率之郎鄰貧乏者無不周濟人稱其長厚云



甯思恭嘉慶丙寅歲荒出粟十五石四斗以濟鄉里  
貧乏者

布政司經歷景大經字倫五祖父懷邑庠生設帳鄉  
里不計脩金壽七十有八卒門人戚里樹石道左  
以誌其德父萬祿例貢生幼失恃事繼母極盡愛  
養性慷慨好施嘗商於豫之上蔡出千緡建橋梁  
村人有構難輒排解之鄉黨並上蔡諸人嘉其行  
誼各製錦稱頌壽七十有六卒至大經仁厚性成  
以繼述爲志庶祖母八十失明經侍奉維謹歷十



餘年如一日性又嗜讀厚幣延師課子孫讀後其  
季子長孫同時食餼鄰邑聞之皆附學焉成名者  
甚衆又好施予曾倡修村北義濟橋道光丙午歲  
荒出粟賑饑畧無德色精岐黃術有病者延之奔  
赴恐後耄而康健飲啖步履如壯年人咸以爲積  
善所致

舉人清源鄉儒學訓導趙士瑞孝友信義忠厚和平  
居官授徒訓誨不倦多所成名道光二十七年歲  
荒使子旋里散粟賑濟及至家長子已散一次聞



父母命又賑之後遇歲歉必散粟厯久不變鄉里  
爲立德行碑妻范氏善事舅姑曲盡婦道亦樂施  
濟鄉黨稱賢孝焉生六子多以議叙得官職者

監生議叙府知事劉正興道光二十六年歲荒出粟  
賑濟

庠生賀積功事繼母以孝稱精於醫術不受謝儀設  
帳訓蒙不計脩脯鄉人立碑以揚之

生員王忻石妻縣訓導省三之長子也父以風疾告  
歸忻親侍湯藥一七一衣不敢諉左右厯數年如



一日繼母董性嚴急稍拂意輒令長詭加呵責所  
柔色下氣受之俟意解乃敢退撫弟炬教以詩書  
俾克成立人皆欽其孝友焉

鄉飲耆賓賀文林性和平忠厚鄉人有忿爭者輒居  
間排解之訓童蒙不受脩脰合里稱爲公直勒石  
以紀之

州同翟有輝薄於自奉寬以待人道光丙午並同治  
壬戌歲歉出粟賑濟活人無算

候選州同鄉飲大賓張廷瑄賦性純厚好善不倦歲



荒出粟賑饑屢助邊儲踴躍輸將無吝色其子若  
孫均邀議叙

監生杜映湖道光二十年歲饑輒出粟數十石以賑  
貧乏賴以全活者甚衆後村人感其德羣贈以匾  
曰仗義疎財

午繼先嘗樂施於村南施路便車馬子華從九品繼  
之尤善處昆弟貿易甘省創生意不忍私招諸昆  
各立券焉舖夥吉某病故惠某出舖畢送金十餘  
歲兩家老幼皆賴全活孫鎮離國學生亦繩美鄉



人贈匾曰風範足式

監生劉畏天事親克孝晨昏定省無缺禮凡村中修  
橋梁及寺觀皆畏天督工無纖毫苟且遇貧乏者  
輒傾囊周濟鄉人戴之

誥授武義都尉議叙都司加二級杜作楷字端夫性  
剛直慷慨好義不較錙銖道光辛卯歲大雪貧家  
不舉火者甚衆又有家尙充裕欲市薪米而無由  
者楷自減厨炊出所蓄積遍給之又丙午歲大旱  
無禾米值踊貴貧乏者無以餬口遂傾私囊糴米



十餘石以賑窮餓所居莊臨河其北爲管村田地錯雜乾隆年間兩村爭地構訟數十年不息楷至管村陳利害辯是非立排衆議使兩村合稟各立界石無相侵凌村北有浮橋一座厯年久日見傾圯楷不惜重貲造舟楫以利行人人不病涉後子蘅登戊午鄉賢書人咸謂積善所致云

監生高登甲存心忠厚立品端方遇貧乏者取粟濟之無吝色鄉人皆頌其德焉

張茂菁字莪興少孤事母克孝母終殯葬盡禮性耿



直見義勇爲邑之祠宇有傾圯者卽糾鄉耆協力補葺鄰里有所請託盡心籌畫如已事焉

加天柱字立極生性誠樸學問宏通設教鄉間終身不倦及門被其澤者常稱道不置焉

生員解錦芳生性耿介青年遊庠以家貧親老兼謀貨殖暇時手不釋卷尤工書有鐵畫銀鈎之致

生員張殿元天性誠篤事母以孝聞母病親嘗湯藥歷久不衰長於詩賦設帳授徒從遊者甚衆

監生王仰文道光丙午歲荒出粟一百六十石救飢



荒活人無算

馬靜盛字致遠州同銜本城人幼失怙賴母成立爲人慷慨仗義邑侯王公創建考院首先倡捐凡有修造無不傾囊伙助遇歲荒歉卽出穀以賑濟之尤敬惜字紙歲捐錢數十緡覓人拾焚宰斯土者聞其名加以優禮焉

布政司理問杜作模樂善好施鄉里有貧不能婚葬者必代爲經理每年出粟周貧如此者二十餘年丙午歲饑餓莩盈路皆取樹皮草根以爲食模出



粟賑之全活無算又於村西官道旁設茶棚酷暑  
時卽施茶以濟路人之渴者口碑道載行旅皆頌  
其德焉

歲貢生張世昌事母至孝母染風疾動止需人扶掖  
昌早暮侍奉不以委之妻孥母卒泣血三年不見  
齒人品端方詩文擅長修 廟督工不敢少休  
人咸仰之

楊在梁居心忠厚慷慨好施有姊適盧氏夫蚤卒家  
貧生子女四人俱幼無以爲活在梁卽養姊甥於



家且代其婚嫁姊藉是以終其節每歲苟有餘粟必假諸人不取其息

監生楊殿香道光二十六年歲歉賑本鄉饑戶放糧十五石

孝廉方正附貢生杜作樞天性孝友立品端方自設義學授徒鄉里貧不能讀者輒教之尤善岐黃術遇病者延之卽往雖嚴冬溽暑亦不少懈常語人曰病者望醫如涸轍之待杯水稍延恐不及耳酬金不受遇貧者輒助之藥餌人皆欽慕焉



恩貢生閻步岳性樸才敏品端行方縣令皆延接之  
然非公事不至焉尤工書法冠絕一時予運嘉青  
年入泮書法亦繩其美設教鄉間多所成就人咸  
欽其風裁焉

貢生王嶧直而秉公積而能散道光丙午暨同治壬  
戌歲歉皆出粟賑濟全活甚衆又屢次輸將以佐  
軍儲王者上其事以議叙得官運同

州同張維靖性嚴明剛方自矢雖操業商賈致富誓  
與兄弟同居不有私蓄道光丙午歲歉捐粟賑饑



賴以全活者甚衆

例授文林郎曹春魁道光二十六年歲歉散粟十五石以賑饑民

監生李鋒字銳亭家素封而輕財重義好善樂施道光丙午歲饑出粟賑濟貧乏

光祿寺署正杜作相字霖川爲人忠厚鄉里有貧不能婚葬者求之無不立應同治癸亥歲饑出粟以濟貧乏

監生議叙八品胡泰和道光二十六年歲歉散粟十



五石以濟貧乏次年三月又散錢百七十餘千

監生程克仁施地修橋人免病涉設帳鄉塾不受脩脯村人立石以旌其德其子議叙理問上達道光丙午歲歉散粟十三石賑濟貧乏

馬元道光二十六年散粟二十石零五斗以濟窮乏生員焦佐清事繼母克盡其孝母家故貧乏公體母志爲之置田產嘉慶乙丑丙寅歲荒公出金量米賑濟子楷庠生以貲得布政司庫大使亦善承父志於道光丙午及同治壬戌癸亥等歲皆出粟救



饑村人感其恩請於官旌其間曰慷慨好義

監生程純一事親孝待人忠道光丙午歲歉指困賑  
飢無吝色子孫昌盛人以爲積德之報沒後村人  
樹碑以悼之

監生議叙八品胡泰凝道光二十六年歲歉散粟十  
五石以賑貧乏

韓萬泰生性樸誠好善樂施事繼母以孝待閭里以  
厚道光二十六年及咸豐九年歲荒兩次出粟賑  
饑全活無算後子步斗入泮人咸謂積德所致



庠生辛玉堂幼失恃事繼母克盡子道於異母弟極盡友恭訓子以義方朝夕一編無閒寒暑子皆成名設教鄉里循循善誘無倦容咸稱化雨先生

從九焦炎莖居心忠厚生性和平處鄰里黨間敬長恤貧終身不懈歲歉卽出餘粟以周貧乏人皆稱之

理問焦炳性厚重正直處鄉鄰戚黨皆能得其歡心歲荒輒發廩粟以救饑者

許受奉直大夫貢生甯其信道光十八年修孔道以



濟人行

貢生王樹楷恤貧周急凡遇歲歉輒指囷出粟以濟

餓人

牛希廷道光二十六年出粟十石以賑鄉人

監生賈世明居心忠厚好善樂施嘉慶年間歲荒出

粟賑濟年七十餘以碩德堪型舉鄉飲介賓

附貢生趙日華士瑞長子孝友仁厚輕財好施歲荒

出粟賑濟三次全活者甚衆鄉人戴之

監生程永元性好施與鄉人皆沾其惠又嘗於張開



東村施地建寺村人勒碑以垂不朽

恩榮蘭宗价弱冠失怙恃性仁厚居平悉以楊忠愍治家編爲法好讀書不以屢空改其志壬戌歲歉勸富室出粟賑濟飢民免於殍人咸稱其德焉

楊爾極精岐黃術活人甚多一日家居聞鄰人滋鬧甚厲察之則以在家貿易忽亡去五十金互相抵賴爭鬧幾滋人命公問其來由卽潛往村外探訪見破垣內一人以手掬土見公亡去公卽就其地剖之金固在焉乃取而還之爭遂息欲謝不受終



亦不言其人忠厚居心輕財重義有如此

生員趙星華士瑞次子忠厚謹慎篤於孝友出嗣伯父士俊事孀母薛氏承顏順志不敢有違人咸稱其孝焉

都司孫世杰字俊臣賦性好施貿易京都修橋路以濟人行尤敬惜字紙敬老憐貧道光二十六年歲饑出粟賑濟鄉人稱之

呂清家貧父鳳儀貿易西口外累年音問杳然清因寄母外家自爲賣藥人以尋父焉歷吐魯番迪化



州昌吉縣哈喇沙爾等地皆不遇不得已號泣而歸以慰倚間之望其天性純篤如此

州同李錦字謁之性至孝母病日侍湯藥夜不安寢母歿居喪三年容嘗戚戚道光丙午歲饑出粟賑濟鄉人賴以全活者甚衆

生員景大鴻於道光二十六年出粟一百二十二石四斗賑濟鄉鄰

牛希孝於道光二十六年遵母命買粟十石以給鄉



杜登洲字菊農早孤幼而敏捷孀母戴氏授以書一  
目卽能成誦少年遊泮後補增廣生員念母青年  
守節欲博升斗祿以爲養遂棄儒就職州佐得鄜  
州後以丁母艱回籍服闋竟不再仕壽五十一終  
千總趙炳南好善樂施邑南柳溝坡遇水崩壞不便  
行旅炳南出貲修築遂成坦途村人立碑以誌其  
惠焉

都司銜任聯魁性謹厚好施予親族有貧不能營葬  
者輒身任之道光丙午及丁未歲歉出粟賑飢又



每月按期施粥於門以救貧乏活者甚衆鄉黨皆

稱頌之

從九楊時風孝友好義歲荒尊母李氏命散粟賑濟  
理問任天授家稱殷實好施予道光二十六年歲荒  
出粟賑飢者鄉人賴以全活

從九楊時若事孀母以孝歲荒尊母王氏命散粟賑  
濟

監生邢大亨事母極孝事兄極恭撫姪無異已出設  
館授徒不受脩脯歲歉糴粟以賑飢者鄉人賢之



布政司理問馬瀛於道光丙午及同治癸亥歲歉皆  
出粟以賑貧乏

監生李士傑賦性純厚好善樂施道光丙午歲歉出  
粟賑濟鄉人稱之

監生段自清性慷慨好施與道光丁未歲饑出粟以  
賑飢民又鄰人有竊使官鎗者事覺官欲置之法  
清代爲納金償補其人得以免罪其忠厚居心有  
如此

監生史克紹慷慨好施以義行聞



從九范定元遂於數學在村官所設立義學將官地  
入作修脯貧者多讀于其中

勅封徵仕郎閻鎰遇歲荒以所積粟賑濟饑人里人  
至今思之

監生王建中世居黃華峪王家審道路崎嶇人憚跋  
涉春冬二季輒出貲平途南北三十餘里間行者  
便之至今三世不倦又慷慨好施歲饑以所積粟  
賑濟里人稱之

監生趙泰來助婚嫁卹死喪閭里高其行



隱逸志

堯舜在上下有巢由不必叔季而後有肥遯也然  
分微蕨之席亦祇自行其志已矣若概以忘世爲  
尚則果哉之嘆尼父所譏但得名臣扶社稷不妨  
高士臥林邱斯爲論之至公者清風高蹈可望而  
不可卽吾儀其人

韓退隱居不仕一時名流多推重之宋康定元年待  
制吳遵路等奏退養素邱壑以道自娛白首不渝  
人望久屬冀蒙束帛之賁以旌肥遁之高奉詔賜



絹米大陽里人掘地得遺碑具詳其事

劉三宣崇禎癸未秦寇入晉疆三河震恐巡撫求勇  
畧才技出衆之人宣詣戟門上戰守十事巡撫稱  
奇留軍門授職固辭遂署門閭給劄膺庸一時名  
公大人多贈詩詞以表揚之



寓賢志

水難火齊不澤地而欽其寶貴人能自見其才雖  
異鄉奚擇矣故有流寓之所至而遐方藉以爲重  
者芳躅著聞與士大夫有得朋之慶焉故附列於  
左

周

廉頗趙之良將也惠文王十六年爲將伐齊大破之  
取晉陽拜爲上卿以勇氣聞於諸侯秦王欲與趙  
王會澠池頗送至境與王訣曰王行度道里會遇



之禮畢還不過三十日三十日不還則請立太子  
爲王以絕秦望王許之是歲冬攻齊破其一軍長  
平之役使頗將攻秦秦數敗趙軍趙軍固壁不戰  
秦數挑戰頗不肯戰趙王使趙括代將軍遂大敗  
後五年燕舉兵擊趙趙使廉頗將擊大破燕軍於  
鄢殺栗腹遂圍燕燕割五城請和乃聽之孝成王  
卒子悼襄王立使樂乘代頗頗怒攻樂乘乘走頗  
遂奔魏之大梁趙以數困於秦兵思復得廉頗趙  
王使使者視頗尙可用否頗之仇郭開多與使者



金令毀之使者既見頗頗爲一飯斗米肉十觔被  
甲上馬以示尚可用趙使者還報王曰廉將軍雖  
老尚善飯然與臣坐頃之三遺矢矣趙王以爲老  
遂不召楚聞頗在魏陰使人迎之頗一爲楚將無  
功曰我思用趙人頗竟卒於壽春今邑有廉城傳  
爲守戍之地並有練兵臺云

北魏

元徽大司馬城陽王孝昌中爾朱榮殺害朝士徽以  
正平郡高梁楊擲豪俠有志氣避難投擲藏而



免之孝莊帝立徽乃出復爲司州牧

隋

王通龍門人文帝時詣闕獻太平十二策不售遂退  
隱河汾教授生徒及門千餘人咸稱師北面受王  
佐之道如董仇薛程其尤著也嘗讀書邑北紫金  
山石洞後人稱其洞曰文蓋以通謚得名云

唐

薛萬徹燉煌人唐行軍總管宅在縣南二十五里勲  
重寸以其屢立重勲故名其村



杜甫字子美河南鞏縣人工部侍郎有讀書臺在縣城東北二十里小杜村剡崖構宇下臨幽壑林木蔚然可觀前縣令蔡長淳題爲致極書院嘉慶二十一年邑令張應辰改爲杜陵書院

宋

趙延京師人爲學修潔端已不恥菲薄居於邑之胡家莊詳見太子中舍馬召記中

解元字善良行伍出身韓世忠見而奇之薦爲統制遂捷金人於潭城又嘗遇金人於承州北門一日



十三戰皆捷上嘉之陞都統制贈封檢校少保

宋

十一  
德然石贈前總令蔡昇  
越東北二十里小林林後  
林南半千美城南鰲嶺人  
工碯卦有許黃青臺在



藝術志

道形而上器形而下術藝何庸志乎然葑菲不遺  
于詩人承蜩見錄于莊叟曲技呈能益見太虛之  
無所不有也

元

梁周泰字白亨精於岐黃術元至正間授平陽路醫  
學教授子權孫叔東皆能世其業邑人稱其有活  
人功子孫世躋科目爲邑望族

明



陳璉字宗器山水諸繪事胥極精妙一時士大夫皆稱之成化中由布政司都吏除金吾右衛指揮使經歷陞趙州判官子嶂孫桂能世其業

梁縕

善榜書

清

增生劉秉經字袖齋生而慧悟能詩善丹青工隸篆前邑乘中之十景圖卽先生所繪也張憲吉輓先生時有半世聲名三不朽一生學問兩堪傳之句惜其詩稿散失無復存者



武生范大鼎字錫九邃於數學推測多奇中薦紳先生多延接之性嚴憚見者皆肅然子文元邑庠生員立品端方居心正直鄉人有構難者元至輒解六旬時咸贈匾以旌其德焉

監生張崑玉字含輝性敦厚篤於孝友待子姪飲食教誨無不周摯精醫術活人無算入匾其廬曰華公復見年近七旬生二子僉爲積德所致云

從九張燮字理堂精於命數之學遂名動公卿六旬時鄉鄰戚黨懸匾於門以彰其術長子安圭字錫



侯典籍職銜事繼母喬氏先意承志能得其歡心  
喬卒殯葬喪祭皆如禮

邢大郡字國屏號貞仁勤於農事暇時卽覽方書遂  
精岐黃術遇病者不計道里遠近輒往救之酬以  
資不受鄉人咸欽念之焉

梁天棟始業儒不成去而學醫遂精岐黃術遇病者  
投以方輒效年近八旬猶步履康健視聽不衰可  
以觀其養矣

長乍東乍海兄弟丹青妙絕一時人有得片紙者輒



珍如拱璧

見下系下

卷之六 藝術

三



穆山縣志

卷之六

三



仙釋志

佛教仙踪言若無物而元棲梵宇傳且至今苟可  
以據異而搜奇豈同于談天而說鬼敢曰無稽之  
言勿聽亦惟有闕之義是徵往跡堪存聊寓勸懲  
于此日殘編不廢用志遺軼乎千年

宋

旻師姓邢氏幼治儒術天才博瞻舉進士不第遂落  
髮受具遍歷名山寓錫淮泗間鴻儒碩彥多與遊  
呼曰岸濱長老常食蔬茹衣鹿皮又號鹿皮道者



後遊姑射山終葬以荼毘舌根不化瑩潤若玉詳  
見太原王宥記

張志朴煉形苦性衲衣露膝行丐汾晉間脇不占席  
者三十餘年一鉢之外餘無所奉城北創建洞神  
宮賜號淳德大師元至元十四年昇化

元

皇志祐年四十餘投龍翔觀梁先生受度閉關三年  
建九陽洞於馬橋村雲溪庵於下文村預知化期  
七十三歲端坐而逝卽葬庵內明初地震崖崩墓



見中塑一真人二仙卿侍立次四弟子相向坐有  
誌銘

丁八行者居其泉佛窰洞與僧守志同勦大閣塑大  
佛一尊高九尋濶三尋名佛閣寺卽清涼院也

廣裕姓郝氏九歲從顯公和尚祝髮性敏慧日記三  
千言年二十衆推座元講說法要人服其精又九  
年得法於雲素和尚融會經律論藏蔚然爲四衆  
所宗世祖設資戒大會說法大內默契上心賜袈  
裟大德十一年示寂於金山寺七日顏色如生樹



塔以葬趙孟頫撰碑記



列女志

庶女告天震風襲于齊臺巾幘中固不少烈丈夫  
之概也爲節婦爲貞女芳魂不泯正氣常存或罵  
賊齒劍九死不移或茹苦扶孤歛芳忍死所爲不  
同而同歸于道非易事也非易事則可表矣據事  
書之俾與貞人義士同兩曜之並垂

聖朝脩齊盛治遠洽海隅濟濟衣冠類皆風節自許  
而閨閣蕙質亦沐荇菜芼苢之化明從一而終之  
義或遇鏡破鸞分遂甘垢面毀形綱維是植及所



志旣遂相從藁砧于地下至若松操荻文今猶鶴  
髯皤皤歷秋霜冬雪而享年亦並標而列之俟請  
命褒旌以光他日彤管焉

蓋聞星昭宿列著經緯于天衡嶽峙川流表綱維  
于地軸在兩間爲英氣之正在一室爲婦節之奇  
故矢死衛姜詩歌河泛操貞巴婦臺號懷清廼義  
烈性成冠裳中尚珍其選而冰霜志潔簪珥內屈  
指其儔洵哉虛谷之笙簧允矣狂瀾之砥柱芳追  
彤管甚載邑乘以揚輝美繼青編行俟



褒書以錫寵用維顏俗少勵清風

顧志

元

趙氏雁門人金進士趙泰女姚居實妻元初居實避  
兵雁門泰以女妻之生天福後拜監察御史戒之  
曰古稱委質爲臣當公爾忘私以塞其職勿以未  
亡人爲卹俾吾追蹤陵毋可也天福泣謝請於憲  
府曰御史責當言路有犯無隱萬一得譴乞不爲  
老母累或以聞世祖嘆曰天福母子雖生今之世  
其義烈之言當於古人中求之勅侍臣董文通宣



付史臣書之

楊氏修武人祖懷仁丞適天福拜監察御史劾奏省

臣阿合馬不法事二十有四會駕幸上都阿合馬

縛公欲害之索其家得糲米數升楊氏詣臺言權

臣奸殺御史臺臣不知憲綱何在衆駭愕悉寮案

詣臺上書天福得出繼爲江南湖北道按察使劾

鄂省平章阿里海牙罪其人賁金銀器以遺楊楊

召憲吏至家命以所賄器詣憲司曰吾夫劾平章

可以是有我我會平章以來朝見歎曰豈惟汝廉若



妻亦廉矣

明

裴思孝妻董氏董良甫女守志節洪武間旌表其門

楊希文妻郭氏守志節成化初知縣張諒旌表其門

韓尚貴妻鄭氏守志節萬歷壬辰御史喬璧星奏請

旌表知縣劉一相有記

張世祿妻加氏御史賀給粟帛旌其門云本婦分比

日於七載守栢舟於六旬值悍姑尤見其貞其茹

荼以終其節御史趙復匾其門



舉人崔日進妻秦氏夫死水漿不入口旬日死萬歷  
戊申知縣薛承教申請旌表

楊希賢妻薛氏希賢被誣殺人當死氏赴闕擊登聞  
鼓自刎賴救得蘇有詔覆治冤竟白

監生胡寧妻梁氏湖廣大叅梁綱女寧卒守志知書  
教子年九十有三卒萬歷辛丑奉詔旌表

高應命妻梁氏年十七無子應命篤疾訣於母曰兒  
亡新婦當嫁氏侍側泣曰此言胡爲及我比應命  
卒誓不再適鷄鳴鹽漵曲盡婦禮稱未亡人者六



十五年壽八十二卒

史潤妻崔氏年二十夫亡家貧甚母將奪其志氏誓不毀節撫二子有成崇正十二年御史李豫具題建坊侍郎高辛胤撰墓誌

薛嶢妻崔氏少寡遺子女各一紡織養孀姑矢守不二突聞有求配者憤恨投繯死

馬從麒妻甯氏夫故無子年二十誓不再醮甲申逆闖破城氏度不免投井死

張所學女張拱娃年十五未適人甲申被擄罵賊死



馬騰霓妻高氏霓亡氏幼苦志撫孤學道桂旌其門  
劉梅妻陳氏夫亡家貧守志教子艱苦備嘗冰操益  
堅壽八十六卒

賈思聖妻曹氏少失所天栢舟矢志撫六尺之孤遭  
室家之艱獨力維持家門賴以不墜壽八十三卒  
生員王佃妻楊氏年十九夫卒無子守節終其身孝  
事翁姑不衰

生員史允濟妻張氏方二十一歲卽失所天家貧無



生員王觀妻梁氏年二十夫故有以年少無子而守節難之者氏曰父母在堂將安往乎後事二親卒以孝聞知縣張旌其門曰節埒鄘姜

任希亨妻盧氏十九喪夫堅心守節矢死靡他侍郎曹於汴給額曰藁節衍宗知縣焦浴旌其門

任三令妻楊氏守志撫孤知縣李燧庭旌其門

生員張煥然婢女葉葉年及笄遭甲申兵變城陷義不受辱罵賊投井死

張選妻孫氏



梁淵妻薛氏

生員薛習學妻張氏

生員王英妻李氏

生員吳灝妻裴氏

以上四人俱嘉靖間御史喻時旌表

加淇妻程氏

薛廉妻李氏

馬秉剛妻梁氏

生員李應奎妻裴氏

以上四人俱李公一翰旌表

生員張詮妻李氏



生員張實妻喬氏

任希元妻張氏

張光國妻姚氏

趙邦林妻朱氏

鄧鏐妻趙氏

趙思榮妻翟氏

生員鄧應誥妻鄧氏

高世勛妻王氏

以上九人俱貞心苦節  
未經旌表錄以勵俗

國朝



朱福全妻蘇氏孀居守志歷有年所隣有朱成王者蓄志將私之夤夜踰垣入氏驚起盡力格鬪喊聲四達成玉持鎌砍殺之康熙十九年上其事成玉論死旌氏之貞烈

閻時輝繼室秦氏夫死於賊以懷娠不卽死旣而誕子撫存夫祀壽九十餘卒康熙二十九年建坊旌表

馬一鵬妻薛氏年十九夫亡守志撫遺腹子馬錫成



生員張鳳翼妻薛氏巡檢薛煥女青年守志家貧勤紡績孝事姑嫜教子燦然成名學道董朱袞知府劉儀恕知縣孟孔脉俱表其閭

生員劉士俊妻王氏年十九孀居事姑嫜撫幼子守節堅貞治家勤儉年七十有九終

生員張性永妻吳氏蚤孀守節崇正三年流寇焚掠扶姑抱子逃避山林中艱苦備嘗後延師教子書香不墜里隣咸高其節

生員薛衍慶妻劉氏夫卒時年僅十九遺孤三歲家



計蕭索侍姑保赤艱苦備嘗

解中啟妻賈氏舊志云結褵未幾卽失所天上無舅  
姑中鮮兄弟歲遇屢禋茹荼蓼而甘心守節室如  
懸磬食藜藿而矢志靡他守成七十歲之苦節堪  
勵千百世之貞風

張邦畿妻趙氏夫蚤逝遺子翹方幼家祚單微外侮  
漸至氏苦志勵節其荼蓼任績紡孝事姑嫜延師  
課子孀居六十五年壽至九十終

主員史允中妻鄧氏栢舟矢志藜藿克口其紡績以



事髦姑極艱辛而撫稚子知縣孟孔脉表其門

馬應麟妻史氏夫死無子甘貧守節

趙宏儒繼妻黃氏治家勤儉視前子無異已出夫故

氏幼誓不再醮知縣孟孔脉匾旌其門

任用惠妻衛氏少年喪夫堅心守節保孤成立輿論

美之知縣孟孔脉旌表其門

姚登位女黃黃幼字原剛之子長長及笄長長病歿

貧不能具棺其舅憐而殮之黃黃姊私謂窮根已

拔黃黃揮淚曰脫再字再貧其如命何長長將厝



前一夕黃黃竟自縊其舅亦具棺殮之與長長合葬焉

洛陽令審陞繼妻張氏壬辰進士審時文祖母也年二十三夫亡守志撫孤兩世壽八十七而終孫四人天其三啟妻屈氏年二十三而寡造妻劉氏年二十四而寡簡妻韓氏年二十一而寡一門貞節胥氏之遺範云

張綸妻閻氏幼嫻女訓年二十六夫亡家甚窶事衰翁甘旨無缺已則啖糟糠常不令翁知課子力學



登賢書時以入公門爲戒卒年七十有四  
生員張素養妻黃氏善事姑嫜邑稱孝婦後夫亡守  
節以壽終

王辛印妻吉氏少寡子幼家貧氏荼苦守志藉織紵  
以治生卒年九十歲閭里稱之

段吳考之女年十五未適人雍正己酉六月夜山水  
瀑漲廬舍漂沒女被溺浮沉蘆葦中鄉人奔救女  
以赤身堅不肯出濡水而死里人稱爲段貞女

閻肇基妻丁氏事舅姑盡孝姑沒舅僅中年不復娶



氏奉養曲至歷數十年無少拂逆舅垂歿言於衆曰此吾家孝婦也汝曹幸爲我表揚之及歿氏哭之慟每食必薦闋終身如一日云

王國翰妻劉氏守節撫孤雍正八年旌表

閻芝妻周氏年二十三夫亡子幼守志撫孤善事翁姑卒年八十餘督學旌其門曰貞操淑德

宜興令王震亨妾陸氏年二十六守志與孀媳薛氏撫幼孫積成立卒年五十三歲

主員王敦厚妻薛氏萬泉縣孝廉薛近堯之女也幼



嫻姆教不苟言笑年二十七夫亡子積甫一齡勵節保孤庭闈肅然卒年七十有五

閻九品妻朱氏夫亡家貧事舅姑撫孤兒艱苦備嘗有伯母焦老且瞽氏生事死葬畧無德色

裴起文妻趙氏二十三歲夫亡取胞姪爲嗣家貧姑瞽氏孝養不怠苦節四十餘年

景世贈妻梁氏夫亡欲以身殉翁姑再三勸之不從潛入私室投繯死知縣謝兆龍旌其門

喬繼溫妻任氏十九歲夫亡無出翁姑勸之嫁終弗



能奪取堂兄子爲嗣身勤紡績奉翁姑以孝聞

吳誥妻馬氏二十二歲夫亡擇族子爲嗣孝事孀姑  
嗣子復亡遺孫三人氏辛苦萬狀撫育成立

趙尚友妻李氏十八歲夫亡無子取姪居廉爲嗣方  
數齡衣服飲食皆氏十指所出撫養成立壽九十  
五歲

段子紡妻馬氏夫亡誓不再醮翁病親侍湯藥不離  
左右嫂故撫兄子成人同居四十餘年無閒言

黃加妻蘇氏幼字加加外出不歸翁姑染病娶於家



越數載聞加故氏憐翁姑老病誓不他適服勞奉養勤苦終身

王九鼎妻楊氏二十六歲夫亡遺二子俱在襁褓夫弟亦幼氏奉養翁姑撫育幼叔及子成立妯娌五世同居鄉里稱之

喬理仁妻牛氏二十歲夫亡遺子甫週歲姑老且瞽夫弟亦瞽氏抱子撫叔孝事孀姑

甯煥妻李氏夫故子甫週歲家貧氏紡績度日撫孤有成



生員鄭裒妻馬氏二十歲夫亡守志長兄無嗣讓已子繼

之以一孫奉夫祀壽七十九歲鄉里匾其門

費春榮妻薛氏夫亡子幼繼母逼令改嫁堅志不從

孝奉八十歲祖翁撫養幼子有成

侯嗣亮妻楊氏亮亡三越月生一子撫孤養親後孫

媳任氏亦早寡守志一時稱爲雙節云

李維訓妻高氏夫亡七日生一子拮据撫育誓不他

適姑歿葬具皆其所辦艱苦之狀見者酸鼻

王喜建妻邢氏夫亡子幼家無升斗日勤紡績越十



餘年而子亦故媳姚氏安貧守志兩世居貞鄉里稱之

黃大萬妻孫氏弟大統妻曹氏萬統兄弟同日病故時孫氏年二十七曹氏年十八同心守節鄉里高之

崔崑妻王氏十八歲夫亡生子甫八月家貧姑瞽藜藿自甘孝養不缺

薛永貴妻姚氏二十二歲夫亡無子以堂姪爲嗣未幾亦亡遺孫尚幼姚奉養老姑撫孫成立



監生劉維新妻高氏性貞靜寡言笑年二十六歲失所天遺一子一女辛苦備嘗教子成立

張問爵妻趙氏夫亡家貧如洗賣長子以營喪葬撫次子成立苦節終身

許維顯妻馬氏性幽靜不苟言笑夫亡家徒四壁氏奉事繼姑最孝卵翼孤子訓以義方

胡光榮妻張氏夫亡家甚貧嫗氏身任勤勞孝事孀姑姑病禱求身代撫二子訓以義方俱成立

陳維經妻王氏堅志守義誓不二天兩取猶子殷勤



撫育

蘭譜雄妻焦氏夫亡不食而死

胡來進妻梁氏夫亡投繯而死

翟元得妻任氏夫亡子幼紡績度日有嫜母孀居無

子氏事之如母子萬山路拾遺物責令訪還原主

鄉人賢之

張繼貴妻郝氏夫亡父母逼嫁給之曰願理髮而行

入門投繯而死

舉人鄭周垣繼妻李氏姑病曲盡孝養親滌溺器數



年不倦

生員張文華妻李氏孝事翁姑

王彥文妻李氏孝事翁姑

楊廷彩妻文氏

楊維奇妻段氏

楊大成妻杜氏早寡事姑教子以終身

楊蘭妻段氏年二十七夫亡撫姪爲嗣俾克成立

劉綿遠妻李氏

裴尚煥妻李氏



段宏旺繼妻景氏

姚崇學妻楊氏

王積善妻賈氏

任經治妻徐氏

劉壯猷妻許氏

蘭爾楊母陳氏

劉漢葵母閻氏

陳效良母王氏

趙宏福妻張氏



王學申妻高氏

馬帖妻梁氏

賈廷瑞妻李氏

文象乾妻王氏

裴宸濤妻解氏

生員賈銓妻程氏

生員崔文蔚妻鄭氏

楊廷獻妻劉氏

王可節妻李氏



蘇維孝妻梁氏

裴友徽妻鄧氏

生員任四維妻祁氏

甯自立妻邢氏

王建侯妻閻氏

韓佐奇妻薛氏

段世興妻王氏

劉煇錄妻文氏

季希梁妻裴氏



王敦勵妻裴氏

張奇妻李氏

程軾妻劉氏

甯有芳妻李氏

王定甫妻閻氏

閻珮妻王氏

解忠妻張氏

生員王敦謹妻楊氏

吳奉著妻蘭氏



段國宗妻鄧氏

王金邑妻段氏

杜仁民妻李氏

吳積川妻杜氏

史大來妻馬氏

葛丕協妻管氏

楊時通妻趙氏

午養鳳妻王氏

盧廷佐妻蘭氏



崔煥妻鄧氏

毛國興妻趙氏

薛克溫妻馬氏

翟金立妻薛氏

李大中妻王氏

崔君妻李氏

張勉禮妻賈氏

吳善根妻梁氏

王印聖妻董氏



張文宗妻王氏

竊玘妻邢氏

管建功妻焦氏

張其武妻薛氏

蘭洪功妻衛氏

裴金鏢妻高氏

史魯文妻段氏

竊樽妻張氏

王家瑞妻張氏



張衍妻段氏

梁璿妻吳氏

監生楊凌遠妻吳氏

蘭懷禮妻閻氏

蘭懷義妻李氏

焦敦素妻宋氏

葛國衍妻焦氏

閻經根妻吳氏

馬承豐妻姚氏



杜從命妻趙氏

葛依夏妻蘭氏

葛遇暑妻蘭氏

葛君暑妻蘭氏

賀德壽妻馬氏

南世梁妻解氏

趙文炳妻吳氏

朱霓霄妻郭氏

王廷妻解氏



侯翌鼎妻王氏

王崇輝妻解氏

趙光啟妻蘇氏

趙廷理妻黃氏

閻風厚繼妻景氏

楊教妻孫氏

馮珠妻薛氏

鄭四通妻原氏

薛玉田妻鮮氏



季春盛妻薛氏

曹錦妻甯氏

蘇成宗妻趙氏

段明顯妻黃氏

楊德成妻韓氏

馮機妻解氏

薛風厚妻張氏

趙自振妻衛氏

馬元通妻吳氏



王珍妻屈氏

王震成妻曹氏

王敦經妻段氏

翟舒進妻衛氏

段奉孝妻喬氏

郭毓芳妻屈氏

孫奉妻黃氏

張國太妻趙氏

山中妻張氏



王梅妻馬氏

生員段舒翎妻李氏

段大有妻楊氏

閻爲仁妻趙氏

衛榮妻賈氏

張銳妻孫氏

吳奉益妻閻氏

賈國柱妻鄭氏

程王聲妻楊氏



費足妻喬氏

黃金山妻楊氏

衛琯妻高氏

薛斌妻王氏

薛永貴妻姚氏

丁天助繼妻王氏

張拱辰妻郝氏

梁世綱妻王氏

高翼世妻黃氏



張緯妻趙氏

楊生芳妻崔氏

賈宗妻解氏

薛自樂妻吳氏

毛有慶妻加氏

李嵬妻張氏

劉瑄妻鄭氏

蘭起成妻葛氏

姚虞世妻梁氏



楊繼宗妻王氏

姚永春妻段氏

馬忻妻楊氏

南廷寵妻黃氏

馬九信妻楊氏

張旭妻裴氏

楊越妻蘭氏

王敦淵妻楊氏

吳燦妻王氏



孫吉慶妻石氏

孫維燦妻閻氏

梁廷璽妻毛氏

馬愼妻翟氏

孫暄妻岳氏

韓士葉妻張氏

生員王徵妻李氏

李菁妻蘭氏

梁公璠妻李氏



梁佐綱妻董氏

段汝柄妻甯氏

段焰妻白氏

段忻妻張氏

解足發妻張氏

段鵬萬妻劉氏

段月龍妻師氏

董云丑妻梁氏

辛宏勳妻高氏



王三浪妻孫氏

葛景洪妻蘭氏

任王印妻薛氏

孫懷璋妻史氏

任知聖妻董氏

費道行妻聶氏

子景

費景妻王氏

子七襄

生員費七襄妻陳氏

楊景溥母任氏



焦霖妻甯氏

跋

右節婦共一百七十三人其可傳者多矣而姓氏  
空存事實莫考迄今閱五十年卽欲網羅散失表  
厥芳徽亦何道之從也嗟嗟守志撫孤心旣抑鬱  
於生前名復湮沒於身後徒使有心名教者悵飲  
冰茹蘖勢面泣血之人與寒原衰草同朽誰司其  
事能辭厥咎也悲夫

系雲高妻韓氏太杜村韓已未之女臨家貧聘女後




出外無音耗女年已及笄己未以臨歸無日欲別  
許之女堅志不從又數年兄欲奪其志百般凌逼  
且言已許杜氏遣嫁有日女聞之計無所出潛遁  
至臨堂兄雲佐家哭訴其由佐儀其事至豫省找  
臨歸始畢婚時女年已二十五歲鄉人表其廬曰  
矢志靡他

武生李燦妻張氏于歸未久卽失所天堂上姑嫜甘  
旨惟憑紡績奉養膝前嗣續寒燈常伴詩書課讀  
歷五十五年之苦節爲七十七歲之完人於嘉慶



十六年旌表

從九賈德魁妻程氏事翁姑以孝稱年三十五卽失  
天矢志不改撫養前女如已出所生二子訓教成  
立長子宗彥例捐貢生次子  例捐從九至年  
七旬子孫昌盛鄉黨以爲賢孝之報



先志屬他

李帝輔妻趙氏二十四歲而寡事繼姑以孝稱撫養繼子俾克成立

廩生張育楠妻裴氏教諭澍之子婦楠疾將革訣曰我死汝當別嫁勿貽後悔氏曰胡出斯言妾惟知死者復生生者不愧更事二姓妾不能也比楠歿氏年二十六事親教子艱苦備嘗後子夭亡姪受祺尚在襁褓取爲己嗣撫養成名黃學憲表其廬曰冰節流芳楠弟恩貢育梅側室李氏年二十七



歲守志與嫡室馬同撫二孤有聲膠庠書香得以  
不墜

趙宗謂妻李氏二十一歲夫亡無子家計蕭條三叔  
皆幼氏早起晚眠紡織以養諸叔俾皆成立歷今  
四世子孫繁衍氏之力也

貢生吳春榮妻馬氏事親相夫從無違忤年二十八  
歲榮故茹苦終身子監生景煊歲荒賑濟窮困咸  
謂奉母教云

管生志妻焦氏年十八志亡子幼翁憐其年少諷令



他適氏誓不再醮事親教子以終其身鄉人勒石以表揚之

監生衛定妻任氏性溫恭寡言笑孝事姑嫜和睦妯娌紡績勤儉至老不倦以子如瑛贈孺人

張連妻鄧氏于歸日連久得廢疾氏毫無怨言連尋歿氏飲冰泣血與姑相依有四娃者窺氏青年孀居一日伺姑外出竊其入室氏厲聲呵叱強逼之喊罵益力四娃將氏用斧砍傷立時殞命嘉慶十四年上其事奉詔四娃論死建坊旌氏貞烈



葛作夏妻趙氏年十八夫亡子方周歲孀居自守族  
有奪其志者氏峻拒之事遂寢弟婦故遺二孤皆  
幼氏恩勤鞠育一家歡聚人幾不知其非母子也  
閻廷柱妻張氏年二十二歲夫亡子幼借織紉以易  
饘粥誓不再醮

薛日卿妻王氏早寡家貧子幼矢志守貞事翁姑以  
孝聞年七十六卒

監生趙久仁妻薛氏年二十六歲夫亡子幼守節後  
子息又相繼夭遺係方八齡鞠育顧復俾得成立



卒年七十八歲

李從先妻閻氏年二十二歲稱未亡人甘貧守節事翁姑以孝稱前令關題其扁曰栢舟勁節

葛聰文妻閻氏孀婦張氏媳也年二十三歲夫亡姑憐其年幼無子令其再醮氏曰家貧姑老何忍舍之朝夕紡績以供姑膳人稱爲一門雙節云

張景財妻葛氏夫亡子幼篤志守節孝事衰翁尋子又夫亡遺孫尚在襁褓媳蘭氏年方二十七歲氏以守節艱難諷其他適媳曰母能爲父守節媳獨



不能爲夫養親乎况呱呱幼子誰其撫之姑媳相依慈孝脩至兩世冰霜閭里稱之

李如栝妻鄭氏武生李煜母結褵二載卽失所天矢志堅貞事翁姑以孝稱祭葬如禮撫育嗣子俾克成立歷今子孫繁衍五世同堂里黨罕之

閭懷密妻程氏早寡誓不二天紡績事親撫子成立卒年八十五歲

杜克唐妻張氏二十七歲唐故無子家徒壁立織紉度日翁姑殯葬俱借女紅營辦茹荼結鵲見者憐



之每秋夏收禾時或勸其出拾遺穗恒不應卒年七十九鄉人賢之扁曰女中丈夫

監生王炳妻段氏年二十一卽失所天幾欲身殉徐自悟曰天祚吾夫當不絕嗣越兩月果生遺腹子溥氏孝事翁姑撫育幼子年七十餘溥以附生例貢成均鄉黨稱之

姚若義妻李氏生員茂松女也年十八歸若義義羸弱多疾氏奉湯藥不少怠越三載義歿氏哀毀骨立幾不欲生或有以改適言者惡聲拒之迨夫百



日後衣裙密縫投繯死

趙纓妻邵氏年二十纓故生遺腹子氏上事病翁下撫幼子俾克成立卒年八十四歲鄉黨嘉其節孝立石表揚之

張徐勝妻樊氏年十八夫亡矢志冰霜紡績自給撫養繼子不啻己出苦節以終其身

李砭魯妻盧氏孝事孀姑姑姑病滌垢除穢不假妯娌身獨任之內外稱孝無間

監生賈克萬妻鮑氏治家勤儉孝事翁姑祖姑許病



氏曲盡孝養親滌溺器數年不倦

張育楷妻裴氏渾源州訓導生裴孫女幼嫻儀則年  
二十二楷亡守節事姑不聲而應姑歿執喪如禮  
獨操家政勤儉終身撫嗣子列名膠庠卒年七十  
八歲

賀事天女蘭姐端莊寡言笑幼字甯孝年十七孝亡  
蘭聞之悲泣不食欲以身殉母勸之不應徐出自  
製香囊祈父納孝棺中從容理髮婦粧拜別父母  
入室自縊死時嘉慶丁卯六月六日去孝死方三



日翁悲其志迎柩與孝合葬焉

贈開縣令馬金聲妻張氏知縣鳴鑾之母夫亡守節  
孝事翁姑教子成名澤及五世嘉慶初上其事蒙  
賜慶衍鄉間扁額建坊旌氏節孝

李廷碩妻陳氏年十七碩客死山東惟姑是依勤針  
繭以供甘旨自食羊棗粗糲見者憐之或勸其他  
適氏曰家貧早寡命也况病姑在堂何忍舍以自  
存茹苦五十餘年鄉人稱爲真節婦

李廷碩妻長氏曾主安闈母孝舅姑睦妯娌生瀾甫



三歲夫病甚屬無他圖氏剪髮一束置棺中矢不  
二既葬養親訓子織紡自苦諭安瀾無廢學瀾之  
成立皆氏教也

張永盛妻吳氏夫沒親老子幼氏事親養葬無失禮  
教子景魁於庚午科應武鄉試中式焉

張自朋妻衛氏生子堪二十一歲夫故苦節甘貧撫  
子成立

閻介豐妻吳氏監生吳乾元女十四歸介豐母子相  
繼病故氏孤身守志織紡自給經三十餘年擇本



族不滿一歲之嬰撫養爲子眞人所難能云

杜秉秀妻李氏年十七歸秀逾年秀故以族姪濟川

嗣甫三歲時祖姑近八旬姑近六旬氏以子身支

撐其間甘苦備嘗卒使二姑無失養孤子無廢學

洵女中丈夫哉

李廣照繼妻原氏事親孝撫前子如己子翁近九旬

病不下牀氏奉養未有怠色

張天秩妻高氏天秩沒時氏年幼子甫二歲姑老病

氏侍親養子紡織自給至老弗衰



馮懷初繼妻吳氏初沒吳年三十前妻子梧甫九歲  
家貧織紡度日稱賢母焉

馮梧妻史氏節婦吳氏媳也吳撫梧成立娶史氏生  
子濟清甫六歲梧亡史氏事姑撫幼織紡勤苦無  
異于吳云

馮登第妻駱氏年三十生子足英僅十歲登第沒駱  
氏撫孤守節終身足英妻裴氏年十八子生秀甫  
二歲足英沒裴氏侍孀姑養幼子一如駱守志時  
生秀妻賈氏年二十四子上義甫周歲生秀又謝



世邑令朱額其門曰三世冰搯

趙廷棟妻王氏十六于歸生子塽年十九廷棟沒侍

奉老姑撫養幼子搯井臼勤紡織稱賢孝焉

任棚女任氏夫不規于正氏數勸之大遭毒手氏知  
不可與言遂自經其以死諫者歟

閻懋妻史氏家貧早寡姑性又嚴甘貧事親毫無怨  
言或憐其憔悴必婉言以謝茹藥五十餘年

賀騰蛟妻王氏歲貢卓然妹孝事翁姑年十八蛟亡

之風令也商氏曰夫亡待死禮也嫁胡爲者後嗣



子天歿撫孫成名人以爲賀氏功臣云

李遠達妻郭氏年十九夫亡以死自誓事翁姑以孝  
聞撫胞姪爲夫延嗣甘貧守志以終身

季逢春妻李氏善事翁姑年十九夫亡無子撫姪爲  
嗣繼姑臨終稱孝婦者再卒年七十有六

吏員張成章妻薛氏安貧守志撫孤姪愈於所生處  
妯娌無間言嘗訓子曰汝父謹厚爲人所推汝其  
勉之無怠婦居三十餘年鄉黨翕然稱之

任向山妻馮氏夫亡越兩月生子爾祿事親教子俾



克成名翁歿哀毀骨立每食必薦終身不衰

張澤妻胡氏家貧事舅姑曲盡孝養姑沒依叔姑敬

事終身教子以忠厚肅然稱家範焉

程永豐妻高氏事翁姑以孝姑病夫弟尚在襁褓氏

乳養成立孀居三十餘年勤苦終身

李習曹妻衛氏年二十夫亡家貧子幼孝事翁姑撫

子成立困苦備嘗

王裕原妻任氏幼端莊年二十二夫亡誓不二天事

親以孝卒年八十四



李克鵬妻韓氏年十九鵬故勤織紝以事翁姑姑沒繼姑性嚴氏未嘗少拂其意守節終身

孫有才妻高氏有才沒家計蕭條事舅姑備極色養撫育幼子成名里閭稱之

李銀山妻劉氏因張望子調戲自縊死嘉慶元年建坊旌表

解克愼妻景氏年二十二夫亡翁老孤兒嗷嗷待哺氏曰一死何難泉下人得無有遺恫乎奉翁盡禮撫諸姪無異己子後子姓繁衍五世同居氏猶及



見云

何兆會妻韓氏給諫星煜孫媳家貧早寡撫姪爲嗣  
勤針繭以易薪米奉衰翁無缺終其身無怨言

馬渡繼妻衛氏渡以貧商於秦遺前妻子始脫齒氏  
拮据撫養愈于所生嘗曰我何能作蘆絮婦耶子  
比長兄弟友愛咸謂賢母之教云

田化龍妻秦氏年十八夫亡家貧親柩在堂撫幼姪  
爲嗣拮据營葬見者憐之

原剛妻吳氏年二十六剛故傭女紅以供瞽翁自食



恒不飽念父貧老無依命子迎養于家歿爲殯葬  
郝仁鉞妻王氏早寡哭之痛姑以保孤勉之氏許諾  
事親教子鄉黨稱之厯節五十餘年

生員王桂榮繼祖母石氏年十六守志善事姑嫜恩  
育前子成立

李紳妻賀氏年二十五紳故甘貧守志事親教子誓  
不改節

增生馬承周妻胡氏事翁姑無間言家務獨力支持  
俾周得專力於學



王曰儉妻張氏年二十夫亡越三月生遺腹子後子  
又天媳李氏撫堂姪爲嗣姑媳相依人稱爲一門

雙節云

黃士元妻衛氏年十八夫亡守志教子成立

李維本妻張氏夫亡子幼苦節四十餘年

韓辛氏儒童韓有明妻年十七適韓室嫁甫十日歸

寧母家其父與隣人馮氏婦戲謔馮氏夫怒含憤

亦赴辛門謔其婦適與韓辛氏遇遂手凌辱之韓

辛氏於數夕投水死其父與馮氏皆獲罪雖死由  
父所致其節孝有可哀焉



馬長年之妻原氏年二十八歲夫亡子方週歲氏矢志撫孤針指自活幾四十年不離閨門與人言不輕色笑壽六十五歲卒子靜盛以貿易起家遵例以州同銜爲請六品封典以慰泉下魂孫振海弱冠食廩餼人謂氏之德有以致之云

劉元甯之繼妻馬氏馬克順之女年方二十六卽失所天前婦遺三子一女氏視之一如己出數十年間以養兼教以慈代嚴俾各成立從無怨言後次子夫婦亦早逝遺二子尙幼氏皆撫育之以至有



子有孫焉年七十四歲卒親鄰嘉其賢爲題苦節  
撫孤匾以旌其德

儒童史達道之妻劉氏東關處士劉元宰之次女年  
二十九歲夫亡生止一女衆以無可依靠勸令他  
適氏曰翁姑年且老我去誰與奉事晨昏著遂取  
族子撫之孝事雙親甘旨不缺迨翁姑沒哭之甚  
哀殯葬一如禮鄰里鄉黨無不稱爲貞節孝婦云  
王可用妻楊氏段壁村人年二十七夫卒無子家又  
貧幾無以自活氏終矢志不移莊人稱之



趙全理妻李氏年二十三夫卒無子取兄子爲子奉  
養翁姑晨昏無忤撫摩幼嗣恩義兼施茹蘖終身  
貧而無怨

管興隆妻姜氏年十九而寡繼姑僅長氏一歲翁歿  
後事之維謹服勞奉養無怠心鄉人咸欽其節孝  
云

管志冀妻王氏青年生子而寡誓不再嫁未幾子亦  
殤或謂之曰有子守可也今何爲者氏曰惟守節  
耳茹苦矢志終身如一日焉



閻忠古妻管氏仁厚溫柔姑老而瞽事之曲盡其道  
姑病籲天請代家故壁立氏操作劬勞以相夫子  
家遂漸裕族中有猶母亦瞽者子失偶孫又未婚  
氏憐其奉養缺然出金爲娶孫婦同治壬戌歲饑  
里人多菜色出粟賑之無吝心今其子孫榮盛僉  
謂氏之孝義所致例贈宜人

王升階妻管氏年二十一而寡有勸嫁之者輒詈之  
事翁姑以孝娣姒諸姑無閒言取夫弟之子爲嗣  
嗣亡弟亦逝因撫育孤姪賴以成立雖屢遭變故



不稍渝其志焉

葛寬妻朱氏二十四歲而寡其猶子以其貧而無嗣也屢勸之嫁氏曰身可死節不可奪也後猶子歿以紡織自活備嘗艱苦鄉里賢之

葛自明繼配蘭氏二十一歲夫卒時翁姑已卽世又無兄弟之助氏甘貧守節撫前室遺孤俾成立焉閤與禮妻葛氏二十二歲夫亡依兄嫂度日兄僅一幼子氏撫之慈愛如己出勤十指以給衣履焉苦節四十餘年



監生李飛熊妾張氏二十八歲夫故遺孤尙幼氏事嫡亦如姑延師訓子家雖小康而紡績不輟有敬姜教勞之風焉

蘭家光妻閻氏二十五歲夫卒無子兄僅一兒氏撫之慈愛後嫂歿姪亡兄亦卽世氏伶仃孤苦矢志益堅初其母歿以貧故不能葬殯在堂父又客死陝省氏集族人定議鬻遺產與父櫬歸與母合葬焉鄉人嘉其貞節咸稱頌之

趙金柱妻歲貢管城女也生子而寡矢志不渝未幾



孤亦殤終不改操事衰姑愛敬愈篤後姑歿其從弟與之分爨且勸之再醮逼嫁氏甘貧守節不爲所奪人比之鄘姜焉

薛丕茂妻朱氏貧而有志年三十夫卒家赤貧氏撫藐孤不肯再適未幾孤亡聞有求偶者乃密紉其裳投井死

閻永古妻管氏于歸時翁姑已卽世惟祖姑在堂氏事之孝二十八歲夫亡遺孤尙幼氏奉老以孝撫幼以慈辛苦備嘗終不改節嘉慶甲子歲饑氏衣



敗絮茹糝糠而仰事俯畜必期溫飽祖姑藉以娛老孤兒亦賴以成立焉

馬星女許字王應魁長子以服賈遠出久而無耗女年二十餘父母欲改字之女曰兒身已許王氏矣請終待之由是澣濯紉補操作倍於襄時蓋恐家人厭棄之也至雍正五年民間訛言選妃衆心惶惑嫁女者比時女已二十七歲矣問字者日踵其門父母心爲之動女堅不從父母曰王氏翁姑皆已歿婿又不返汝將奚歸女曰渠家尙有近族第



迎我住一夕則此身不能入選中矣父從其志往  
商之有族祖母憐其貞迎之歸與祖母一宿而返  
初女夫弟娶妻生子憐女幾三十而兄不歸因往  
覓之音問並杳妻又物故遺幼子家貧無依至爲  
乞丐女聞而悲之遺以衣食謂此藐孤吾終身所  
依傍也及自王氏歸遂撫如己子王故有屋數椽  
爲族郤所占不能得女籲父星控諸邑侯蔡公公  
親詣其家女隔窗陳訴卒直之以屋歸女女乃賃  
其半以葬翁姑留其半以居姪生死皆賴以得所



焉十三年三月以疾卒年三十四蔡公表其間曰

封鬢終天

張步鰲之妻管氏年二十五歲夫亡守節不嫁事姑

以孝聞取姪爲嗣以延夫後年六十歲死計苦節

四十餘年

張執瑾之妻馬氏二十餘歲夫卒清潔自矢七十餘

歲卒守節五十餘年父老播爲美談焉

聶帝臣繼妻劉氏內則夙嫻克盡婦道性和有悍婦

嘗忤之不與校迨于歸時聶已年邁二十七歲而



寡守志不再適至七十四歲卒清貞柔順之名鄉里至今稱之

生員史元魁妻翟氏父某與元魁父爲密友締姻襁褓中年十七于歸越五六年夫亡或勸之嫁氏泣而拒曰父以友誼聯姻親今死而背之是棄父命也是虧婦道也且夫又無後身去何以爲情遂取姪爲嗣誓不再適未幾其姪又亡孤苦伶仃聞者酸鼻而終不改節今年逾古稀矣是真白首完貞者歟



李天相之妻王氏年二十而寡其母謂之曰婿死女  
又無子將焉依氏泣而對曰兒終爲李氏鬼矣立  
族子爲嗣今年屆花甲已抱孫矣

李集鵬妻段氏年二十歲夫亡間三月生子以姑老  
子幼誓志不嫁厥後養老送終撫孤成立孝慈能  
兩盡焉年四十三歲卒

張宗科之妻梁氏夫亡無子家又赤貧終不以困苦  
改節其所謂窮且益堅者歟

周建元妻葛氏夫卒年甫十八矢志守節事貧姑以



孝接娣姒以和撫姪爲子子亡孫亦夭又取族孫爲嗣始終不改其節鄉人製匾勒石以表其苦節焉

趙可昇妻葛氏年二十夫卒遺孤纔五月有勸之嫁者輒嚴辭以拒之家故貧以紡績自活翁姑年且邁氏能博其歡心孤兒賴以成立焉

王富成妻趙氏少寡無子守義不再適翁欲奪而嫁之甚至鞭楚終不改節氏曰之死靡他取姪爲嗣猶在襁褓中覓媪乳之霜杼星機以供乳費鄉人



懸額以旌其節焉

管良民之妻張氏幼讀書識字孀居三十餘年茹藜  
藿以紡績餬口留心醫術里中嬰兒病投以方輒  
効且不以此爲獵食之資年至八旬鄉人憐其勞  
獨嘉其貞惠勒石曰慈婆

生員葛紹禹繼配呂氏年十七歸禹未二載禹卒前  
室遺孤纔數歲氏誓志守節敬事衰姑卒使藐孤  
成立鄉里咸歎美之

宋之彥繼妻王氏年二十五而寡無子女依兄嫂度



曰事之如翁姑撫幼姪恩勤兼盡取兄次子奎照  
爲嗣入武泮

趙璧妻張氏年二十七而寡無所出時翁已卽世繼  
姑在堂有弟尙幼氏孝慈交盡門以內無閒言後  
弟生子飛黃氏取爲已嗣以延夫後焉

張三德妻杜氏年二十而寡無子女翁早卽世姑吳  
氏以節孝稱事載前邑誌中年已衰邁氏勤於孝  
養能得其歡心夫弟景魁尙幼撫之以慈旣長俾  
習武遂舉孝廉乃以長子廷琇爲兄嗣亦以肄武



成名斯可爲徽音克嗣者矣

杜學倫妻張氏年十八而寡翁姑在堂氏青年守節  
矢志不渝紡績奉親備極孝敬無子女取兄子爲  
嗣鄉人勒碑於路以彰懿行焉

徐登元妻劉氏年四十夫歿生遺腹子三畏氏矢志  
不渝撫之成立事翁姑以孝生事死葬皆得如禮  
年八十以苦節終

李天義妻劉氏年十九夫卒得遺腹子建極劬勞撫  
育俾克成人建極生子雲錦雲峰又先氏卒家道



中衰劉氏獨力撐持又爲兩孫成室壽至七十三  
歲苦節三十餘年

吉元兒妻薛氏年十九孀居無子誓不再嫁撫堂弟  
之子韓魁爲嗣今年五十七歲始終不渝其志

李維翰妻白氏年十八于歸卽於是年失偶矢志守  
節奉翁姑以孝事兄嫂無閒言撫胞姪振庚爲嗣  
今年五十有八里黨咸稱之

蘇殿元妻王氏年二十二歲夫卒遺一子撫之成立  
事孀姑能得其歡心守節四十餘年道光二十六



年卒

管鳳翔妻趙氏年十七于歸二十三歲夫故無所出  
時翁姑尙在而家故赤貧未數年翁亦卽世姑年  
且邁氏矢志不渝孝事孀姑勤紡績以供甘旨氏  
五十一歲姑又病歿氏獨力支持克終大事以堂  
弟回身第三子爲嗣鄉黨宗族嘖嘖然稱其節孝  
無異辭焉

王鉦妻張氏二十九歲夫亡無出夫弟時方五歲氏  
奉養孀姑撫育幼叔苦節自貞至老彌篤鄉人賢



之匾其門曰栢舟矢志

劉明澤妻甯氏青年而寡矢志靡他事兄嫂如翁姑撫猶子如己出勤於紡績白首完貞

午榮先妻張氏祔禭未久卽失所矢不再醮事翁姑克盡婦道翁姑故遺一叔尙幼氏撫如己子俾至成人以繼先業

儒生張文瀾之妻吳氏翁姑宦於外氏隨夫奉晨昏克盡婦道後翁姑卒夫亦繼逝生一男尙在襁褓氏鞠育教誨俾蚤歲入泮克紹書香



蘇震從妻王氏恪守婦道事姑以孝聞二十餘歲夫  
亡無子女冰霜之操始終不渝鄉人推重懸扁以  
彰其苦節云

衛豫來妻王氏年二十二夫故哀毀絕食兄嫂恐其  
殉晝夜守之不得死越兩旬守稍懈氏乃仰藥而  
死奉 旨入節孝祠

姚密妻張氏夫亡育子艱苦備嘗節孝可風

曹淑身妻張氏年二十八而寡貞潔自矢事舅姑以  
孝娣姒間怡怡然育子姪恩義兼盡安貧守節艱



苦備嘗

白奇孟妻王氏年二十二而寡矢志不嫁家素貧且  
翁老子幼無以餬口氏勤女紅爲活仰事俯畜無  
缺焉七十時贈扁曰節孝可風卒時贊曰和丸教  
子紡績養親時人嘗稱道之

蘇魁妻劉氏年二十五夫卒時方有娠氏以身殉或  
勸曰苟生男可延夫嗣氏從其說數月果生男撫  
字劬勞畢生不渝其志焉

趙天保妻陳氏年二十五而寡時生子甫彌月氏盡



心撫育以苦節自守畢生不改其志

趙雙寶妻劉氏幼失怙從母依舅家爲舅氏所育及長適趙氏時翁姑均歿事兄嫂如侍庭闈焉未及十年而寡其母勸之嫁氏涕泣不語其堅貞有足多者

黃豐年妻甯氏性情柔淑笑言不苟二十三夫卒遺孤纔八月氏堅貞矢志撫孤成人鄰里咸高其節張兆泰妻王氏性行淑貞女誠夙嫻于歸後生子未滿月夫卽病歿氏年二十二誓不再適事親撫孤



備嘗艱苦娶媳李氏生孫未周睟子又亡李氏亦  
矢志靡他姑媳相依以養以教孫現爲庠生王年  
七十一李年四十四而卒鄉人立石表揚儒學許  
題曰節孝可風同治三年申請旌表

楊聲宏妻段氏年二十二而寡無子氏貞節自矢以  
姪爲嗣慈愛逾於所生焉

焦思聰妻賀氏年二十五夫亡乏嗣誓不改醮撫諸  
姪教養兼至守節數十年而卒其姪福瑞敬老恤  
貧輕財好義鄰婦有生男者因子多衣食難給瘞



之糠困中待自斃福瑞聞之給薪米焉棄子賴以不死聊書一節以見氏之教焉

景如梅妻翟氏年十八于歸十日梅貿易遠方遂歿於外氏性貞靜誓不再適前室遺子居平尙幼氏勤紡績撫孤成立後甫有孫子亦辭世氏又與婦同育孤兒人皆稱其苦節

王萬祿妻史氏年二十餘夫卒苦節自持久而不渝  
李世英妻趙氏年二十二歲夫亡取族姪爲嗣守節不移迄今年踰花甲矣



馬人和妻彭氏性柔順青年而寡無子冰操自勵誓不改適事翁姑以孝稱娣姒無閒言愛猶子如己出勤於紡績苦節六十餘年莊人區以旌之曰皓首完貞

馬騰雲妻王氏聰慧過人姑性嚴肅氏奉之維謹事孀嫂以敬延師課子卒克成名輸金二百餘兩修整橋路以便行人莊人立石以頌其德焉鄉里之困乏者多向氏告貸以貧故不能與息氏悉取券焚之道光丙午歲荒出粟拾餘石以賑飢民間里



沾惠迄今稱道弗衰

李拔秀妻樊氏年十八而寡無所出翁姑在堂有弟  
齒尚穉氏矢志不渝克盡孝友年五十弟始生子  
取爲己嗣焉

屈克敏妻張氏年二十而寡無子女時孀姑在堂兩  
弟俱弱小氏敬老慈幼矢志靡他後兩弟成立皆  
有子各取其一以嗣夫後焉

丁均元妻劉氏年二十夫沒不再適躬操井臼孝事  
翁姑得遺腹子盡心撫字之愛弱弟如其子純謹



之行松栢之操鄉里咸深歎焉顏其間曰節孝可風

杜創基妻王氏于歸未踰月夫出遊淹留七載後客死西域時氏年二十三歲家無期功強近之親欲以身殉惟念身死則杜氏竟絕遂不死爰取夫之中表兄幼子安國爲嗣稍長使就外傳閉門紡績以供束脩安國早歲採芹今其子孫繁衍門祚日新皆氏之力也於同治三年申請旌表

午在離妻張氏性簡重不苟言笑二十二歲夫亡無



所出不肯再適事翁姑順志承顏俾各忘老其後  
翁姑故哀毀骨立悲動鄰里撫嗣子慈愛如己出  
迄今年屆七旬猶恪守婦道而不踰焉

廩生段似錦妻牛氏年三十歲夫亡家故貧子載采  
尚幼氏以苦節自勵撫孤子成立娶媳王氏牛心  
稍慰乃王氏二十八歲而采又卒姑媳相依益以  
節操相敦勉

生員馮化鵬妻解氏年少夫亡誓不改適時姑已卽  
世惟鰥翁在堂乃勸翁再娶宗祧賴以不墜撫弟



平定盡心愛養既長精針法活人無算

監生范大成長子啟元娶妻原氏于歸時年十七歲

未及一載夫病卒氏以貞節自矢事舅姑以孝養

生送死無闕禮其弟定元甫三歲氏盡心養育俾

克成人定元生子四長震霖從九品氏取爲嗣氏

五旬時鄉人贈扁曰冰霜乃烈現今八十有餘

奏請

### 旌表

馬體清妻甯氏資性淑貞不苟笑言夫亡無子事翁

姑和睦娣姒鄉人咸稱之



張企銀妻楊氏年十九夫亡無子以堂姪爲嗣未幾  
姪亦亡苦節自持至老不衰

姚協金妻郭氏青年失偶矢志靡他守節六十二年

黃宗傑妻甯氏青年而寡氏堅貞自守立志不移孝

事翁姑克盡婦職

王維乾妻薛氏夫卒後矢志不渝敬事翁姑笑言不

苟計守節三十八年

王紀生妻趙氏生員趙伸之女十五于歸十六喪偶

悲痛欲絕誓以身殉繼念舅姑衰身死恐缺奉養



爰取兄子爲嗣而撫育之姑目素昏耗且痿痺牀  
第間氏躬親侍疾不假手於奴婢厥後子列成均  
孫遊泮水人咸謂苦節之報云道光六年知縣黃  
奉 旨入祠

王鳴鶯妻翟氏二十五歲夫亡時翁姑在堂家又赤  
貧母因氏無子勸之嫁氏艱然曰人各有志豈以  
無子而奪耶且姑老身去誰爲奉養姑由是得終  
餘年氏亦壽登古稀鄉人旌其室曰苦節稀齡  
誥贈奉直大夫王巖妻鄭氏年二十一歲夫故無子



女氏堅貞自矢孝事翁姑後姑沒氏涕泣不食月餘而死鄉里咸哀慕之

唐永魁之妻程氏于歸數日永魁貿易西陲音問杳然存亡莫卜氏矢志待之雖凍餒交侵而終身不易其守歿時年七十六歲遠近皆稱頌之

鄭茂桐之妻杜氏于歸數年姑與夫相繼棄世當姑歿時所遺第二子明河僅八歲三子明海僅三歲後茂桐歿遺一子文煥僅兩歲氏皆善視之凡飲食教誨以及衫履婚嫁費弟與子無豐殺焉年逾



七旬猶與諸叔同居絕無閒言鄰里咸贊美之高其恕妻張氏年及笄歸高生一子而寡矢志靡他孝事舅姑勤撫孤子中年多病因命其子讀方書疾竟瘳後其子精於醫活人無算有酬以金者氏俱令却之卒年七十五今其子孫蕃衍書香不絕人以爲氏之貞德所致

劉體恭妻段氏十九歲夫故子幼矢志守節事孀姑定省溫清無怠容有勸之嫁者輒以死自誓鄉人重之



楊鳳彩妻翟氏十七而嫁二十而寡堅貞自守矢志靡他育兄次子爲嗣備極劬勞事翁姑以孝娣姒宗族無閒言今年七十六歲猶兢兢恪執婦道焉生員姚密繼妻焉氏青年失偶苦節堪嘉

王安邦妻趙氏性貞潔寡語言于歸未久夫卽故誓不再適侍奉翁姑始終無間撫姪爲子愛如己出壽至八旬而終

高永堯妻徐氏事翁姑以孝稱二十八歲夫亡子甫五歲矢志靡他後翁姑歿殯葬皆如禮勤撫孤子



艱苦備嘗鄉里頌其匾曰栢舟操題其碑曰節孝  
年八十二歲而歿子懷斌廬墓三載孫福因早歲  
入庠入以爲子孝孫賢胥本氏之善教也

張志學妻韓氏十九歲于歸未二載夫亡無所出翁  
姑憐其孤苦命長男之次子爲嗣氏慈愛如已出  
焉迄今子有文名氏亦頌白其堅貞之操見者凜  
然

午凌雲妻王氏年三十而寡無子取姪爲嗣尙在襁  
褓中氏恩勤撫育不啻已生清潔之操久而不改



蘇淳妻劉氏于歸甫一載餘夫卒氏時十八歲無子女不肯改適事翁姑克盡孝養鄉人咸欽頌之

原建義妻劉氏夫亡時年二十五歲貞靜自守撫姪輩如已出家中長幼皆樂親之壽八十有八而卒孫懷瑾妻劉氏于歸時年十六歲不及二載夫卽病卒及葬時氏欲以身殉繼恐身死則夫之窆旁不得安姑止焉比夫葬後越二旬閉戶自經死

程文富妻張氏夫亡時年二十餘家貧無子氏紡績自活拾薪爲炊如是者數十年



崔巒妻王氏二十九歲夫歿子維垣方在襁褓中氏  
守志撫孤二十餘年如一日前尹易君旌其門曰  
操堅松栢今維垣列名成均孫濬食餽曾孫養浩  
採芹皆氏貞孝所致也

衛戊元妻李氏孀居三十餘年孝事翁姑姑以哭子  
喪明氏晝夜扶持歷久不怠姑藉以終其天年咸  
豐年間奉 旨旌表入祠

王仰舜妻衛氏性溫柔寡言笑二十四歲夫亡翁姑  
因思子成疾氏親侍湯藥夙夜匪懈所生止一女



因取兄子在申爲嗣恩勤撫養無異所生恪守婦  
箴堅貞自矢同治三年請 旨旌表

段秉鉞妻張氏二十六歲而孀時姑老子幼氏不肯  
改適奉衰姑能得其歡心撫遺子俾得成立名列  
成均今逾七旬猶主持家政鄉人賢之

馮登鰲妻賀氏庠生積功之姊年十六于歸十八而  
寡無子女以堅貞自守事翁姑恪盡婦道有勸之  
嫁者謝曰婦人之義從一而終豈可覲顏他適乎

且此心已矢志神明渝之不祥享壽八十有餘歲



鄉人嘉其節立碑紀之

楊學貴妻王氏賦性幽閒言笑不苟無子以猶子作  
柱爲嗣俾之服賈氏孥畫家政井井有條久而不  
怠及猶子謝世撫孫忠孝課之讀慈嚴交盡今已  
採芹矣享壽八十四歲

楊喜魁妻劉氏青春失偶矢志靡他孝事繼姑勤育  
孤子閭里欽其賢孝可風懸額以旌之

鄧氏杜凌霄之生母也幼而沈靜長而端肅父母鍾  
愛之年十八于歸生三子夫卒氏年二十九歲矢



志靡他以養親裕後爲事備極孝慈今長子凌霄  
次子凌漢凌斗皆登仕籍氏年七十七以壽終

請奏

旌表

裴登嶢妻馬氏青年守節壽幾九十而卒

劉永康妻翟氏廩生玉書之伯母也二十二夫卒遺

孤三歲氏貞潔自守奉翁姑以孝接娣姒以和其

姪玉書幼而失怙氏撫之如己子焉鄉里稱之

陳衛管妻劉氏年二十七而寡翁以氏年少慮其難

安於室嘗憂之氏聞之孝事翁姑矢志益堅鄰里



皆樂道之

縣丞杜凌霞妻戴氏生子登洲未週晬霞卒氏方二十餘歲欲以身殉家人以撫孤養親相勸遂矢栢舟之節後子由增貢就職州佐任鄜州氏就養任所其地多軍流徒犯天寒無襦袴者比比氏哀之命捐廉給食更徧施衫履今旌表入祠

李品超之繼妻王氏夫歿年二十四遺一子尙在襁褓中家貧姑老氏事姑育幼孝慈兼盡人咸欽其苦節云



高寶成妻楊氏家貧早孀遺一女尚幼氏苦節自守撫女成立遣嫁皆如禮云

薛永年妻李氏年二十五而寡無子守義不嫁家貧以紡績自活其兄屢勸改適遂與兄絕雖熒獨無依終不改其志焉

張煥章妻屈氏未及中年而寡時翁老子幼家又四壁立氏苦節自守勤紡績以爲活卒使衰翁得所孤子成人皆氏之力也

薛祥露妻甯氏年二十八夫卒生子纔彌月氏奉舅



姑撫幼子誓不再嫁焉

賀允執妻張氏十九歲夫亡無子以姑老多病誓不  
嫁侍湯藥無稍懈姑卒殯葬皆如禮撫姪如子俾  
克成立

張有威妻王氏夫亡無子孝事翁姑誓不再醮撫姪  
爲子艱苦備嘗

午岱妻侯氏年二十九而寡堅貞自守矢志不渝其  
節操有足重者

劉聯科妻牛氏年二十餘而寡無子取姪承嗣守節



以終其身

迪希光妻張氏年十五歲于歸能盡婦職夫病因囑  
曰我死則汝無以爲活可卽醮比夫卒氏殯殮畢  
閉門自縊死

從九楊智妻王氏二十八歲夫亡子時若尙幼不肯  
改適事翁姑以孝撫幼子以慈勤儉持家始終不  
變人皆稱其貞淑云

生員閻煥章繼妻王氏青年而寡不肯再嫁躬親紡  
織以奉孀姑教孤子讀書不少寬貸子不勤學輟



涕泣終日不食長子廷獻由優廩生登己未科副  
榜次子國獻亦成名皆母教也姪孫女沙兒五歲  
父母見背氏撫之如己出沙兒亦婉婉從教後適  
崔雙陽夫亡以身殉節同治二年與氏同旌表焉  
崔雙陽妻閻氏賦性貞烈勵志冰霜青年無子而寡  
氏哀痛逾常嘔血數斗致成危疾家人爲之延醫  
療治氏曰吾死終身之事畢矣安用醫爲竟不服  
藥而死鄰里咸惋惜之

誥封武義都尉杜杰繼妻李氏年二十九歲夫亡所



遺二子尙在襁褓中氏苦節自矢以女紅爲活命  
其子就外傳使勤舉子業後子作椿作桓皆成名  
同治元年請 旨旌表

牛希建妻景氏年二十餘夫亡苦節自守厯久不渝  
監生馬崙繼妻曹氏天性和平恪遵婦道年二十九  
而寡前室遺一子驊方八歲氏苦節自持誓不再  
適惟家貧無以爲活氏日勤紡績撫育其子使讀  
書習舉子業日夜攻苦督責綦嚴後果成名焉

生員韓溥城繼妻李氏恪守婦道賦性和平生子而



寡氏青年矢志始終不渝佐家勤儉正內與正外  
無殊教子嚴明母道與父道兼盡守節三十四年  
如一日焉

生員許士營妻楊氏年二十三而寡不肯改適事翁  
姑以孝勤撫孤子俾克成人

杜作樑妻吳氏性純孝寡言語年十九夫亡氏日夜  
號泣矢死靡他或有勸其再醮者叱之曰女更二  
姓恥孰甚焉且翁老姑病舍而他適忍乎哉居平  
事翁姑以孝待娣姒以和後其姑卒翁繼娶李氏



齒少於氏事之無異親生李偶加呵斥必和聲怡  
色以承之無子以弟作楷次子蘅爲子教養並施  
不啻已出後蘅中戊午科鄉試舉人於同治元年  
爲氏請旌焉

原任湖北提標前營守備杜凌斗之妻胡氏出自名  
門幼嫻女訓適杜氏相夫教子悉皆成名凌斗任  
河保時遣人迎養其母並迎氏氏以姑年邁長途  
跋涉不易遂奉姑居里中侍晨昏焉又慮夫中饋  
乏人勸置造室俾侍巾櫛嗣後妾生一子一女而



歿夫亦告歸氏撫育如已出逢

覃恩敕封安人

任璋之妻韓氏青年失偶撫孤朝棟備厯艱辛卒以  
成立媳張氏亦青年守節治家教子悉遵姑範焉  
馬聖選妻曹氏年二十四而寡遺孤纔兩歲守志不  
嫁事舅姑以孝謹聞撫育其子俾之成立

何君武妻楊氏夫亡無子取姪爲嗣守節數十年孫  
友諒於道光二十六年散粟十八石賑飢人皆頌  
氏教澤之長焉



王榮妻牛氏夫亡時年十九歲無子女苦節自勵閱  
數十年而卒

姚玉亮妻龔氏年二十四歲夫亡子幼氏勵苦節撫  
遺孤數十年如一日

蘇永亨妻李氏適亨五載而寡子方週歲氏仰事翁  
姑俯畜孤子艱難萬狀苦節彌堅

牛立己妻劉氏夫歿年二十餘誓不再適計守節數  
十年

王有彩妻杜氏無子取堂姪澤爲嗣夫亡氏以節義



自矢從夫遺囑命澤就傳勤十指以供脩艇之費  
後澤入邑庠氏年六十矣邑令黃公匾其門曰歐  
荻延年

段思木妻王氏年二十二夫亡子甫三歲家貧藜藿  
不充兄慮其不能守而氏以死自誓不再醮以紡  
績自給撫孤成人卒完貞焉鄉里賢之匾其門曰  
節凜冰霜

張安玉妻趙氏年二十而寡遺子纔週歲氏堅貞自  
守冀子成立至中年子又亡氏孑然一身煢獨無



依終不改節

程文芝妻景氏年二十而孀生遺腹子枝耀家故貧衣食不給氏苦節自守日勤紡績爲活枝耀年逾六旬生四子人咸以爲苦節之報云

楊和順妻辛氏年二十四夫亡無子欲以身殉時翁姑已歿惟叔氏在側守之不得死越五月叔氏歿氏竟爲溺人焉

梁登妻王氏二十歲夫亡遺子時雨尙幼氏盡心撫字以紡績自給誓不再嫁



監生張闢基繼妻趙氏年二十夫亡堅心守節孝事  
孀姑視前室子女無異己出有從堂姪身死妻嫁  
遺子尙幼氏撫養之及長又爲之授室而氏無德  
色每謂曾祖母節孝採入邑乘欲嗣其徽音云

劉經邦妻楊氏青年而寡誓志不嫁節高可風

楊殿魁妻程氏二十七歲夫卒子作舟尙幼氏以紡  
績餬口苦節益堅誓不二夫

史萬春妻郭氏二十九歲夫亡遺子精義纔四歲氏  
勤機杼以養幼子誓不再醮



劉尚仁妻楊氏二十二歲夫亡母屢勸之嫁氏曰雛鵠失喪其群匹且不再配況覩然人面者哉撫一女成立取姪爲嗣視之不啻己出鄉人賢之

牛登鐸妻景氏夫亡時二十一歲守節數十年而卒張效思之妻王氏二十五歲夫亡無子翁姑俱老氏不肯再適娣姒間亦親睦盡婦道以博堂上歡無間言卒年六十五歲計守節四十年鄉里多稱之者

陽同興妻郭氏二十五歲夫亡無子女以貞節自矢



事翁姑備極孝敬二十九歲其姑歿遺弱子纔三歲氏撫幼弟如慈母焉三十六歲翁又卽世氏殯葬之皆成禮後其弟長爲之成室一門雍睦無閒言

任天棟妻劉氏年二十夫故無子氏矢志不嫁孝事孀姑克勤克儉始終不怠計守節四十年

賈世傑妻張氏年二十而寡無子以姪淑已爲嗣壽至六十六歲前邑令黃公勒牌以旌之曰節孝可風



薛掄才妻黃氏年二十五歲而寡守義不醮後敬事  
其姑姑歿遺弟妹俱年幼氏撫養成人俾成家室  
後弟又蚤死勤撫其姪恩義兼盡享壽七十九歲  
高如金妻李氏年二十五夫亡時翁姑已卽世生子  
尙在襁褓家貧無升斗儲氏安貧守節以紡績爲  
生卒年八十四鄉里匾其門曰節儉壽世  
史汝梅妻辛氏年二十八夫亡守志不嫁無子以姪  
爲嗣猶未離襁褓氏盡心撫育教之成立年八十  
卒鄉人懸匾以著徽音焉



生員趙士傑繼妻吳氏二十一歲夫亡無所出矢志  
堅貞誓不再醮取姪筆華爲嗣孝事翁姑治家勤  
儉至老不倦奉 旨旌表

李登榜妻任氏二十三歲夫亡守節不嫁事翁姑以  
孝以姪作梁爲嗣氏撫之慈愛克盡壽七十二歲  
呂萬經妻原氏青年守節撫孤子桂俾克成立今授  
例入成均皆母之教也

趙鄂華繼妻楊氏二十四歲夫亡矢志不嫁孝事翁  
姑視前室子不啻己出



任董氏五典祖母也家赤貧氏中年喪夫以苦節自勵撫育二子皆成立孫五典以議敘得職鄉人皆謂氏積行所致焉

杜作柄妻羅氏年二十五歲卽失所依氏節凜冰霜誓不他適事翁姑無缺禮教孤子有義方矢節三十餘年如一日同治元年申旌請表

馬立言妻彭氏年二十一夫亡氏指天誓日不再適人孝奉翁姑和處娣姒子燕飛尙幼氏教養兼盡

卒使成立焉



馬若廷妻張氏年二十七夫亡氏矢志不渝家故貧  
翁老子幼衣食無貲氏日夜紡績以易粟米俾老  
幼無凍餒之憂撫子亨嚴慈交盡果克成立人咸  
謂苦節之報云

胡作棟妻李氏年二十六歲夫亡撫孤成立堅貞自  
守始終不渝

張氏監生王鎮川之母也年二十四而寡誓守栢舟  
之節事翁姑以孝教子以方鄉人賢之

楊氏生員董麟士之母也青年失偶誓不再嫁夫故



子幼以紡績教子讀書成名鄉人賢之

鄭鎮妻王氏年二十六而寡誓不二適事翁姑以孝撫子成人鄉人稱之

午嘉樂妻王氏年二十九而寡當夫病革時謂氏曰吾病必不起母老子幼惟汝是依家徒壁立汝將如何涕泣向天氏慨然自任夫旣歿氏苦節自持撫幼子以慈奉衰姑以孝今子已成立姑年九十六歲尙康疆無恙人以爲孝感所致云

高希賢妻張氏幼而嫻靜長而柔順事翁姑以孝待



娣姒以和夫有陰疾不能生子氏自安義命歿齒  
無怨言猶子有失恃者常加意撫恤之取族子爲  
嗣親愛如已出壽七十而終

胡麟慶妻張氏翁姑性嚴急氏侍奉維謹雖屢遭挫  
折不敢退有後言惟有自怨自艾而已

加生琴妻張氏生二子夫歿氏守志撫孤不肯再醮  
性情溫厚事翁姑以孝聞四十餘年始終如一

葛一章妻陳氏年二十七夫亡無子堅守栢舟之節  
事寡嫂以順撫幼姪以慈以苦節終其身焉



監生李飛熊嫡妻管氏生一子夫故氏矢志不渝撫孤成立性慷慨親鄰有貧乏者氏每出財粟周濟守節三十年里人表其閭曰女中丈夫

史鳳五妻孫氏年二十七歲夫故遺一子福康方十歲氏矢志撫孤慈嚴兼盡子賴以成立娶婦王氏未及三年福康又故姑媳相依艱貞並著姑守節四十三年卒媳守節十三年卒

加萬倉妻王氏年二十四歲而夫亡氏貞節自矢撫子成立



任佩之妻曹氏年二十一歲而寡堅貞自守撫子成立矢志不渝

文永樂妻王氏年二十四而寡苦節自持始終不易  
韓氏張燦祖母也生子而寡時年二十二歲氏之死  
靡他撫孤成立且娶婦焉乃子又蚤卒婦亦相繼  
而逝遺孫燦尙幼氏劬勞鞠育一如撫孤子時今  
燦成人氏春秋高矣而康彊善飯人以爲苦節之  
報云

管長梁妻趙氏年十九夫故無子弟婦生子纔數月



氏白於翁姑欲取爲嗣許之氏提攜抱保無異所  
生卒克成立居平恪守婦箴晨昏定省之餘足不  
出閨闥孝廉潘君題其門曰松節鶴齡

午步斗妻楊氏夫亡守節青年無子嫂高氏重其節  
相處無閒言弟步霄念嗣續之艱取妾張氏方舉  
一子而步霄亦逝三人同心矢志勤撫藐孤冰霜  
之操萃於一門爲邑所樂道焉

管昂發妻蘭氏秉性貞慧相夫克盡柔順時祖姑春  
秋高寢疾氏事之勤謹及祖姑病革謂家人曰此



婦極孝吾所鍾愛以金珥環畀之後太翁年逾八旬氏亦奉養惟謹夫弟仲奮翁姑之少子也長而不遜與氏析居後弟婦卒遺孤尙幼氏覓人乳之而仲奮益落魄遠避他鄉氏恐無以慰親心招之歸復與同爨氏姑之歿也以歲荒不克葬及翁棄世昂發卜兆合葬或有言地之不利者氏曰骨肉歸土利孰大焉設有不利吾身願當之力排羣議大事以成居平訓子愛而能勞不少姑息鄉人咸稱道之



葛元章妻管氏年三十夫亡孤幼誓不再適事姑以孝接物以和訓子持家劬勞倍至鄰里有窘乏者求之必應東雍某孝廉表其門曰畫荻秋高

趙得名妻王氏舉人省三女也二十歲而寡無所出氏貞潔自矢之死靡他孝事翁姑和接娣姒邑人擬之共姜焉

牛學富妻吳氏年二十二夫亡苦節自持始終不易董邦偉之妻馮氏年二十夫故無所出家又赤貧氏迺質環瑱屏膏沐誓不再適事翁姑備極誠孝勤



於紡績終身不輟卒時年六十有四其翁名鳴玉  
拾西里村王某金弗肯匿王某匾其門曰輕財重  
義

董大桂妻馬氏性端潔寡言笑十七歲夫故遺子纔  
數月氏守志不更適事翁姑以孝娣姒間無閒言  
撫子成立辛苦備嘗氏歿鄉里慕其節孝勒石表  
誌之

監生程省身繼妻薛氏年二十五夫亡矢志不嫁奉  
翁姑以孝撫前室子教養兼盡守節三十餘年



程繼周繼妻王氏年二十三夫亡無子前室子步星  
尙幼人見氏孤苦疑必改適氏乃栢舟誓志之死  
靡他撫遺孤慈愛兼盡鄉里咸稱異之

邢兆鷹妻許氏老而無子撫諸姪不啻己出鄉人慕  
其賢旌曰淑德堪型

廩生朱貽謙妻王氏事父母孝無子撫姪如己出盡  
心教育俾克成立鄉人賢之

邢萬善妻黃氏三十歲夫卒矢志不嫁守節三十年  
餘言動皆足爲法貞靜之德鄉人賢之



原乙綱妻薛氏無子撫姪如已出居家勤儉自勵待家人則從厚焉人共羨之

邢學文妻程氏三十歲夫故守節三十餘年鄉人欽其貞淑焉

邢秉正妻韓氏二十三歲夫亡守義不嫁孝養翁姑始終不改鄉人賢之

邢王昌妻段氏素稱賢淑于歸後事姑嫜以孝接娣姒以和待猶女如已出親鄰有急命子孫盡力周恤村人懸匾旌之



生員趙士俊繼妻薛氏二十歲夫亡矢志不適孝養翁姑始終不懈無所出取姪星華繼嗣後奏請

旌表

王福繼妻楊氏生子方彌月夫亡氏年十七姑以家貧欲嫁之氏謂姑曰此呱呱者尙能爲王氏延一線之傳且姑已年邁誰爲仰事俯畜因堅貞自矢勤十指以供饘粥焉後子凝宇長家道漸裕人以爲盛德之報云咸豐年間旌表入祠

衛甲元妻王氏年十八而孀無所出惟姑是依姑寢



疾親侍藥餌不解衣者數年姑歿悲泣不食竟以  
餒死咸豐年間旌表入祠

高岐岡繼妻鮑氏二十四歲夫亡誓不再適孀姑年  
逾七旬老且病氏奉養不缺飲食湯藥皆親奉焉  
姑賴以終其天年所生止二女取兄子樹良爲嗣  
撫育成立苦節以終奉 旨入祠

甯寶鏞之妻程氏年二十三夫卒哀姑在堂遺子九  
思尙幼家又赤貧氏事姑教子孝慈兼盡後子精  
岐黃術活人無算或酬以錢雖強之弗受此可以



想見氏之教矣

牛希儉妻任氏夫亡時年十九歲無子取姪承嗣守節數十年而卒

高趙英妻王氏二十八歲夫客死於外二子甫離襁褓誓不再適姑性稍刻鄉里皆私憐之而氏無後言後姑患癰疾氏問寢勸食無少怠如是者二十餘年姑嘗語人曰吾固知吾婦賢不意其一至於此後二子事氏皆克盡孝孫慶雲青年入泮鄉里

咸欽羨之



李姚氏生員思學之長媳夫鏗早天年二十八歲立志守節其事親待下可稱宜家淑女現請旌表

張光照妻賈氏二十八歲夫歿家貧無子女氏以紡績餬口艱苦萬狀終不改節

監生賀殿清繼妻楊氏夫貿易於外氏恪守婦職井臼躬操姑嘗病疹率其子女扶持抓搔以適姑體撫前室子女如已出鄰里稱賢婦焉

趙慎言繼妻吉氏未逾月夫歿時年未及笄又無所出氏冰霜勵節撫前室子如已出奉高堂能得其



歡心鄉族共勒碑以垂不朽

楊時裕妻丁氏年十八而寡時方有娠卽以栢舟自  
誓歷數月生子名根深又數十年生孫名克成曰  
願子孫如樹然培其本根足矣

牛希清妻楊氏年二十一夫亡家貧姑老餬口維艱  
氏以節孝自勵每得食則以精潔者奉姑粗惡者  
自茹焉

楊學會妻馬氏生五子夫卒氏年三十餘誓不改醮  
教育五子俾皆成立克振家聲守節五十餘年壽



九十而終

馬春來妻王氏于歸三載生一女夫卽去鄉里久而  
不返不知所終時氏方十九歲依叔翁度日事猶  
母如姑焉享年八十一歲邑侯李公以節光彤管  
旌其門

王景雲妻吉氏未中年而寡遺孤尙幼氏堅貞自守  
撫子成立且授室焉及子又早亡婦亦相繼而逝  
遺孫未及周晬時氏年已就邁親操井臼撫育童  
孫劬勞逾於曩昔今九十餘歲孫又生子氏猶康



彊善飯人以爲苦節之報云

趙振桂妻楊氏廩生應冬之母庠生士瀛祖母也幼而失母恪遵父訓有三妹俱幼氏撫之成立以慰父心及歸趙翁姑已老家又赤貧氏織紡自給井臼親操孝事衰親奉養不懈勤訓幼子總角遊庠方之古賢婦洵不愧焉

原裴氏青年喪偶遺一女撫之成立適呂萬經亦青年守節其嫂卽裴登嶢妻馬氏貞節萃於一門盛矣哉



裴劉氏青年守節撫孤成立子攀桂國學生孫佐治  
習舉子業皆氏教所致也

曹棟妻李氏三十喪偶誓不再嫁遺二子豐川清川  
皆撫之成立以孝稱今年屆九旬猶視聽不衰人  
咸謂天之報施善人爲不爽焉

楊發林妻鄭氏二十九歲夫亡撫子成立尤善持家  
閨門嚴肅勤儉之德鄉人賢之

張友明妻王氏二十歲而寡遺子纔週歲氏以苦節  
自守始終不渝



王萬壽妻曹氏賦性堅貞年二十三夫亡無子僅二女尙在襁褓翁姑已卽世家祇孀祖母與幼叔氏矢志靡他孝事祖母恩育幼叔或有勸其再醮者氏詈罵之後叔亦無出氏以猶子馬兒爲嗣俾克成立閭里欽其苦節云

杜克堂妻張氏初夫客陝省氏出閤時夫未及歸越數日夫靈柩返氏矢志守節取姪爲嗣孝事衰姑慈撫幼嗣後姑歿嗣亦亡家徒四壁十指度日未嘗採拾莊人嘉其貞節匾曰女中丈夫



處士郅治龍妻張氏年二十九歲夫亡子永川尙幼  
二女俱弱家故壁立氏矢不再醮勤紡績以育子  
女俾克成立現奉 旨旌表

史福元之妻劉氏賦性柔順沈靜寡言夫亡時家無  
蓄積子成已尙在襁褓氏孝事孀姑甘旨不缺尤  
熊教子俾得成立朝夕勤勞績紡厯四十年如一  
日於四德三從庶幾無愧焉今年近七旬鄉里無  
不以幽閒貞靜稱之

閻史氏年二十二歲夫亡子女俱無不肯再嫁事姑



至孝治家至勤數十年內外無閒言終其身恪守

婦道卒年四十八歲奉 旨旌表

閻宗湯妻賈氏年二十七夫亡苦節自守育子成立

卒年八十歲奉 旨旌表

原慰祖妻羅氏二十四歲夫亡無子女矢志不醮取

姪應亢爲嗣孝親撫子鄉人稱其賢孝云

馬如龍之妻裴氏青年失偶矢志靡他事姑以孝養

猶子如已出孝養得當其苦節堪嘉



黃銀環妻高氏年十八夫亡孝事翁姑和順妯娌克  
盡婦職年九十里人匾其門

趙 懽妻王氏年二十夫卒撫姪爲子苦節自守  
監生甯永清之妾年少夫亡誓不改適事姐若姑里  
人欽之

吉殿英妻高氏年十九夫卒節操冰霜撫姪成立  
趙士彥妻楊氏年十八夫亡教子成立貞靜自守  
廩生楊發榮妻段氏年二十夫亡所留二女三男三  
女皆嫁二子繼亡苦節終身







稷山縣志卷之七

古蹟志

寺觀陵墓附

陵谷易遷空墮峴山之淚苑枯興感不禁梓澤之  
悲斷梗荒榛故是瓊枝玉樹風蟬露蝶疑卽龍笛  
鸞笙探奇踪而懷古撫故物以傷今至若寺觀空  
存徒悵落花滿地陵墓猶昔祇盼碧草迷天往事  
堪論風流不作聊志陳跡如仰高山云爾

生今之世而欲求昔人精意所在舍古跡其奚考  
乎稷本高粱地城郭丘墟屢經變遷其先賢遺跡



名士高風幾無從景仰然一丘一石斷碣殘碑皆  
往昔風流所寄有志者往往寓目而感慨生焉嗚  
呼覩河洛而思禹功過岐豐而懷周德彼古今來  
事跡無傳與寒煙衰草同歸消歇者又不知其幾  
君子於此不能無幸不幸之慨焉

顧志

人當貴盛赫奕之際其德之足繫人思與無足繫  
人思疇得而知之亦疇得而定之及乎鐘鳴漏盡  
草宿木拱百代千秋猶供後人之歎歔憑吊而後  
其人之足繫人思者殆真不以久遠而或泯矣傳



云墟墓之間未施哀于民而民哀或亦昔人之遺  
愛使之然歟余續志及此蓋不禁爲之太息云

顧志

稷王城縣西三十里地微存又縣南五十里稷王山  
相傳后稷教稼地有陵

廉城縣東北十里趙將廉頗戍地今名廉城村東南  
有練兵臺

清源城在縣西下廸村左傳晉蒐於清源作五軍以  
禦狄水經注汾水又西逕清源

高粱城有二一在縣東南三十里後魏孝文所築一



在城北里許址存俗名古城按北魏志太和十一年析龍門置高涼縣有高涼城

高歡城縣西五里東魏高歡攻韋孝寬所築

玉壁城縣西南十二里西魏王思政築保定初以韋

孝寬守玉壁功陞爲勳州邑志謂玉壁秋風卽此

華峪城縣西北二十里齊斛律公築今名華峪村

斛律公寨在縣西北二十里峪口村北

龍門故郡隋志稷山縣有後魏龍門郡開皇初廢

稷山亭漢志聞喜有稷山亭隋改爲稷山縣左傳晉



水經注山下有稷亭

鑄錢監久廢有石志在城內三靈廟

質實亭按綱目在縣境

李牧寨縣東北二十里李老莊有廟

文中子洞縣西北三十里紫金山中相傳文中子棲  
此時有白雲往來故邑志曰文洞飛雲

薛萬徹故宅縣西南二十五里勲重村今門獅二乘

石一尚存土人掘得石碣上鐫巴陵公孫薛貞筠  
上柱國承知左都騎上柱國德獎德滿騎都尉德



貞左驍騎尉元簡上騎都尉元封元亨元裕元景

元高或其苗裔也

義橋崔祐甫記今廢

清榭金相張萬公有戊戌二月中旬登稷山清榭詩

雙飛里在平隴鎮金段克已成己並有才名禮部尚

書趙秉文目曰二妙大書雙飛二字名其里

菊軒段成己建學者稱菊軒先生

葦川別墅在加庄梁孝子紀隱居處內有真隱園行



容安堂陳子正建

醒心亭菊軒先生有詩

潔白堂元行臺御史段輔建司業同恕有記

讀書堂元吏部侍郎段輔建元統三年平章政事西

圃書額從事歐陽應丙撰記

孝思堂明湖廣叅政甯瑛建淳安商輅有記

碧泉書洞在縣北三里加莊舉人加睿建高陵呂柟

題額

永思洞在縣北三里吉家庄諫議梁格建猗氏中丞



何東序記

文峰臺在劉村北知縣張思恭築

詩碣一刻張喬撫琴圖詩云清月轉琴軫

缺二字湘水

寒能令坐來客不語自相看靜恐鬼神出急疑風

雨殘幾時歸嶺嶠更過洞庭彈石在城隍廟

一刻石曼卿上韓希祖隱君詩云方瞳神已滿母

死變霜毛道味山中淡詩情事外高醉狂元鶴舞

閑卧白驢豪吾素存微尚他年亦爾曹

李繼中贈昌黎韓山人初構嵩陽小隱詩云泉流



遶石壁小隱斷纖塵不是紫虛谷那棲太室人孤  
懷在詩癖護氣養天真誰與同春醉山花作四隣  
上谷成顥送韓隱君詩云清於獨鶴散於雲久味  
莊腴謝世紛戲綵北堂親漸老歸程南陌草初薰  
郊啼古墅經時別巖曲驚猿后夜聞赴隴有書延  
對近莫因高卧傲吾君土人於塢堆掘得石碣

會心山梁綱書額

漢上谷長史侯相碑在華峪西南碑曰侯氏出自倉  
頡之後歷殷周各以氏分或著楚魏或顯齊秦晉



卿士薦其裔也食於華陽今蒲坂北亭也

元段氏世德碑銘泰定四年秋爲天官侍郎段輔建

學士虞集撰文

寺觀

廣教寺在縣治東唐聖歷間名辨知寺開元間名感

義寺金皇統元年重修明昌間造塔十三級高三

十餘丈今寺廢

雨花寺在縣西北隅三靈觀後 國朝順治間建

佛閣寺 名清涼院在縣東北三里金皇統二年建



元大德間增修明洪武間併廣教彌陀大善三寺  
入焉置僧會司 國朝順治間知縣姚延啟修十  
三年知縣畢際有重修閣後有晴碧軒知縣劉三  
錫書

青龍寺在縣西十里馬村唐龍朔二年建

佛峪寺在縣西北三十里有宋碑

大明寺在縣西北華峪村唐上元元年建明洪武初  
併顯明崇慶祥瑞普照四寺入焉

嵐川寺在縣東北三十里馬壁峪寺後有泉



興化寺二一在縣西南三十里小寧村隋開皇十二

年建一在縣南五十里丈八村唐咸亨五年建內

有開元時碑

黃龍寺在縣西北四十里紫金山峪王時濟記

崇化寺在白池村唐開元四年僧國興建金大定十

五年僧智月等重修

壽聖寺二一在塢堆村唐永昌間建明宏治萬歷繼

修一在胡家莊宋治平間趙寺丞以守墳建

大善寺在高渠村元勅建內古栢一大七圍蔭可畝



許欲伐輒有龍蛇風雷之變明梁綱撰存相記

國朝李毓秀有詩

潤國寺在小翟村唐貞觀二年建

坦然寺在小杜村元皇慶二年建

彌陀寺在縣西五里南陽村

興國寺在大杜村

石佛寺在縣西南二十里西里村

梁熊寺在縣東十里管村

鐘樓寺在小河



寂照寺在程杜

宏教寺在東蒲

興盛寺在下王尹

洪禪寺在楊村

開化寺在縣東下王村

天竺寺在西郭外生員李蘭等募修

清華觀在縣東南隅古桃花庵遺址元至大二年道

士喬志度改建

天真觀在縣西南隅元至大三年建段天章記



三靈觀在縣治西北隅有記今廢

長春觀在縣治西元中統間建胡大有記

靈虛觀在西郭外元時賜額尚存乃長春邱真人七

大觀之一也按元兵踐蹂河南北尤甚崑崙邱處

機使其徒持牒招求難民於戰伐之餘由是爲人

奴者得復爲良與瀕死而更生者毋慮二三萬人

中州人至今稱道之此絳州稷山諸地所以立觀

大也

道清觀在廉城村元延祐三年建明洪武間三靈靈



虛重陽三觀入焉

大虛觀在東庄村有碑

保真觀在縣東北元建明洪武間置道會司

洞神宮在縣北初名純陽觀元道人張志朴建郝毅

記嘉靖四年重修

國朝乾隆二十八年

李如楠梁宗堯  
鄭重鄭納等募修

朝陽洞在縣東二十里下王村

寥陽洞在苑曲村

白衣庵在三界庄康熙三年任國泰記



棲真觀在縣東二十里下王村

晉懷公墓在廉城東北左傳殺懷公于高粱卽此

古后稷陵相傳在縣南五十里稷山碑誌昔稷嘗躬稼於此薨遂葬焉

古羲和塚四相傳在縣東北十五里東莊村前有廟故邑志謂羲陵晚照

周羊角哀墓并左伯桃墓相傳在吳城村西

後周太傅白水王侯莫陳相墓在平隴村

王君墓在縣西北十里有螭首碑額云王君之墓土



人呼碑兒墓

唐驍騎尉李君墓在縣北厲壇西明萬歷三十八年  
邑人取土得石誌

唐寧州刺史贈戶部尚書裴守貞墓在縣西八里

唐侍中諡文獻裴耀卿墓在仁義村尚書許孟容誌

唐渤海郡王高秀巖墓在廉城村馮令問記乾隆元  
年知縣阮汝昭查修立碑

孝子曲周縣主簿梁慎墓在西王村有碑

宋檢校太傅趙瑫尚書駕部員外郎知冀州事趙忠



愿大理寺丞知耀州事趙振進士趙延墓胥在胡

家莊寺前

趙瑤滄州樂陵人忠愿史書虞部員外郎趙振雄州歸信人

姚伯祿墓在南陽村有碑

宋梁樞密墓在梁村失名

宋解元帥墓土人呼解家墳在下栢村明萬歷四十

六年知縣劉三錫築繚垣

乾隆二十八年據庠生解九如呈稱解元帥卽

宋史所載解元爲

稷邑解氏始祖

宋司理叅軍段應規墓學士虞集撰碑孫季良墓李

愈表孫矩墓李愈表元孫開國侯鐸墓張萬公表



八世孫提舉成己墓學士王磐表九世孫高士思  
溫墓贊善同恕誌高士思義墓張傑誌胥在平隴  
村

金御史陳規墓在小窰村段成己表

元府尹姚天福墓在路村字木魯翀表虞集書虞集  
又撰神道碑并書

金牌僉戶劉公墓在桐下村掘土見羨門砌以琉璃  
瓦題額金牌僉戶

明知縣鄭登墓在縣北二里甘泉翰林蕭士高銘碣



明布政使王衡墓在縣西北五里教諭吳章表

明副使史瑛墓在縣東北侍郎呂柟誌

明長史梁溥墓在縣北五里尚書崔銑表子給事中

格墓在縣北五里諭德張四維表孫給事中紀墓

布政使王道行誌侍郎孫光裕表布政使綱墓御

史何東序誌舉人維墓御史何東序誌王體復表

胥祔

明按察使任佐墓在苑梁里知縣孫倌表

明知縣高應聘墓在縣南二十里白池村叅議梁綱



記

明郎中甯桂墓在縣東二里澗東村梁綱記

明僉事裴賜墓在縣東二里布政使王道行記

明知縣高穎墓在縣西五里平隴村坡上

明知縣鄭命墓在縣西中丞王體復誌

萬人塚在城西相傳高歡喪七萬師此其塚也

義塚三一知縣劉三錫置一邑人梁綱施一裴訪施

國朝學正張垣墓在桐下村東原自誌

高渠東北地名槐木子有楊將軍墓惜名湮沒無考



祥異志

至治之世異變而祥城隅之烏生爵不務德而妖孽立見桑穀生庭比旦而拱修省恐懼重譯來朝是在能轉之而已矣在天下則轉在朝廷在一方而將誰屬歟

祥異存變例也非正君子何述焉蓋孔子作春秋詳乎災異他如內典所載鑿鑿有據怪誕不經之

事時亦有之何可遺者

劉志

後漢安帝永初六年池水變赤如血元初元年地陷



延光二年大風拔木桓帝建和元年木連理

靈帝建寧四年雨雹山水大出地裂

晉武帝咸寧二年地震愍帝建興元年雨肉五年大蝗

東魏天平四年霜旱人饑流散開倉賑恤

北齊河清二年蟲旱傷稼

北周天和五年正月月在氐暈有白虹長丈所貫之

處有彗星接連規北斗第四星時齊主遣斛律

明月寇周邊於汾北築城自華峪至龍門周詔

齊公憲率師禦之自龍門渡汾水拔其五城



唐高祖武德三年旱七年復旱

太宗貞觀二十一年秋旱二十三年八月地震

高宗永徽元年旱蝗地震

睿宗景雲二年正月地震

明皇開元十二年旱上親禱雨宮中暴立三日

德宗興元元年蝗民饑詔賜粟以賑

貞元三年十一月地震九年四月地震有聲如雷

穆宗長慶四年蚘蚋害稼

懿宗咸通六年十二月地震八年正月又地震



僖宗乾符三年秋鼠穴屋壞衣

廣明元年縣民家豕生如人狀無眉目耳髮

中和元年秋旱霜殺稼

光啟二年夏積陰六十日

昭宗乾寧二年三月地震

宋太祖乾德元年民饑發廩賑之三年旱甚四月賑

饑

太宗興國七年旱

淳化二年旱饑



眞宗大中祥符九年六月蝗蝻生霜寒始斃

天禧元年二月蝗蝻復生多去歲蟄者

仁宗天聖三年民饑發粟賑之

明道二年蝗

慶歷六年大雨

至和二年自春隕霜殺桑

神宗熙寧元年饑貸饑民粟七年自春及夏久旱

九年旱

元豐七年饑詔蠲稅



徽宗宣和七年七月河東諸郡咸震裂

金正隆二年秋蝗五年二月地震

大安三年大旱

崇慶元年五月大饑斗米錢數千流殍滿野二年

復大旱

至寧元年旱斗米有直錢萬二千者

元世祖中統八年蝗十三年旱

成宗元貞元年旱

大德八年正月地震九年以地震改平陽路爲晉



寧路十年復地震十一年大水

武宗至大二年蝗

仁宗皇慶二年饑

文宗至順元年七月蝗二年六月蝗

順帝至正六年雨雹七年大旱人多饑死其五月

地裂水湧崩城陷屋十九年五月蝗

明憲宗成化二十一年春正月地震秋大饑二十二

年秋大饑人相食

世宗嘉靖七年飛蝗蔽天嚙禾稼爲赤地八年秋



無禾民食樹皮殆盡九年秋大饑十二年大有  
年三十四年冬地震有聲如雷民遭壓傷甚衆  
穆宗隆慶元年大祲詔免田租之半夏四月黑靥  
見居民每夕驚擾旬日始息二年黑靥見三年  
春饑

神宗萬歷七年蝗十三年秋旱十四年大旱十五  
年旱無禾道殣相望十六年疫大有麥十八年  
大有秋二十六年無禾二十八年池水溢三十  
五年夏大雨雹形如拳大人多斃在白池大陽



二村三十八年大旱三十九年旱疫四十年疫  
夏無麥四十四年飛蝗蔽天食禾立盡四十五  
年復旱飛蝗自東南來十二日不斷虫蠕滿池  
害苗更虐四十七年民張雲路家甕水生花如  
繪

崇正八年旱飛蝗彌漫四野秋禾一過如掃九年  
蝻害甚於蝗十一年至十三年頻旱野無青草  
斗米千文草根樹木採食殆盡人相食五月河  
水乾七日亢旱日甚風霾不息十四年瘟疫流



行死者相枕藉

國朝順治二年五月賈士尹婦一產四男十二月平

果實九年六月霖雨河水橫溢至城下漂沒廬

舍田苗無數泥內有車跡又有巨人跡大二尺

許

康熙元年秋霖雨四旬不止廬舍傾圮十去八九

四年七月二十六日卿雲見城東南隅卽其地

建文昌閣十七年雨傷稼三十年蝗三十一年

旱蝗民饑蠲免田租三十二年大有麥五十九



年秋旱無禾蠲免錢糧六十年旱無麥發帑散賑是年大有秋

雍正三年大水淹沒田廬人口發帑賑恤四年大有年五年至八年屢熟十一年大有年穀一莖

三穗

乾隆四年民張柱妻劉氏一產三男八年民趙傑妻王氏一產三男給布米有差是歲秋旱蠲免田租十分之一十四年雨雹傷禾二十四年秋旱蠲免田租有差四十三年大有秋四十八年



秋地震五十八年旱道殣相望樹皮剥食殆盡  
瘟疫流行

嘉慶九年至十一年頻旱野無青草斗穀千錢開  
倉賑恤蠲免錢糧有差十一年秋大水范家莊  
圈頭付家莊等村漂沒廬舍無數十二年大有  
年十七年夏雨雹十八年夏有星自東而西拖  
光如線逾時始散二十年九月二十日亥時地  
震移時

道光十一年十一月大雪連日平地深三尺十二



月又大雪是冬寒甚北鄉數百年之柿樹盡被凍枯禽獸餓死無數

咸豐十年秋大水村中壞廬舍極多鄰縣東敬尤甚水勢有高過房簷者至數月不能盡

同治元年八月初一日辰刻日月合璧人所共見識者以爲承平之兆

同治元年秋旱蝗騰空而飛俱集於北山下食禾苗殆盡至十月初八日夜地震移時十一月初五月初六日又連震二年三年大有年



正月庚辰六日又雪霽二平三平大青平

苗滋盛至十月降八日亥時霽終十一日降

同節示平秋旱雖烈空而無其果秋非山不食

餉香以食永平之兆

同節示平水以雨十日氣降日具合聖人祖其

詩水楚首高嶽民歡音至禮且不消盡而雨

如豐十年秋大水林中寒烈舍縣之職縣東

東山高相贈以無禮

民又大雪其冬寒甚此縣幾百年之所未見







